

La carta de San Pablo a los Romanos

Roma cuto gānare Pablo ĩ papera cōare gaye

¹ Ñati Roma gāna m̃ua. Ỹu ña Pablo, adi m̃uare papera cōagũ. Jesucristore moa ĩsiri mas̃u ña ỹu. Ỹure besecōri Cristo oca masare ỹu goti ucutoni ỹure cũñi Dios. “No Jesucristore t̃uor̃ũñug̃ure ĩre masogũ yiguĩji Dios”, yĩ masare ỹu goti ucutoni ỹure cũñi Dios.

² Jane mejeju, “Ado bajiro masare queno ejab̃uagu yiguja ỹu”, yiroc̃u iti oca goti yuc̃ayiju Dios. ĩ gotiado bajiroti ĩ ocare uca rotiyiju ĩre goti ĩsiri masare. Ito bajiri iti oca quenarise uca warã ĩ oca tuti ucayijarã ĩna. ³ Iti oca Jesucristo gaye manire riasoa. ĩti ñami Dios Mac̃u, mani H̃ju. Adi sitaju mas̃u ruj̃una rujeayiju ĩ. Ito yicōri David ñayor̃u janer̃abatia janamiti ñayiju Jesucristo. ⁴ Ito bajibojaguti Dios Mac̃uti ñayiju Jesucristo. ĩ godaja bero Esp̃ritu Santo ĩ masirisena, ĩre m̃ucana t̃udi ĩ catiroca yiyiju. Itire masicōri, “Dios Mac̃uti ñami Jesucristo”, yĩ t̃uoĩa mani ĩja.

⁵ Jesucristona s̃uoriti queno yiñi Dios ỹure. Masa jeyaro Jesure ĩna t̃uor̃ũñutoni, ito yicōri yiro robo ĩna c̃aditoni, ỹure cũñi Dios. Ito bajiri, “R̃̃etoro quenagũ ñami Dios”, yĩ ĩre r̃̃uc̃ub̃uor̃ã yir̃aji masa.

⁶ M̃uare c̃uni beseñi Dios. Jesucristo ñarã m̃ua ñatoni, m̃uare beseñi ĩ. ⁷ M̃ua Roma gāna ñarocōreti adi papera cōa ỹu. B̃uto maiami Dios m̃uare. ĩ ñarã m̃ua ñatoni m̃uare beseñi Dios. Mani Jac̃u Dios ito

yicōri Jesucristo mani ʘjɯ mɯare queno yijaro. Ito yicōri mɯa ya ɯsijɯ queno mɯa wanɯ quenaroca yijaro ĩna.

Roma cɯto gānare Pablo ĩ ti āmore gaye

⁸ Ado bajiro mɯare gotisɯoa yɯ. Co cɯto rɯyabeto mɯa Jesure tɯorɯnɯre gayere mɯare bɯsisotiamama masa jeyaro. Ito bajiro ĩna yija tɯocōri, “Queno ya Dios mɯ”, ya yɯ. Ito bajiro Diore bɯsia yɯ, Jesús yɯre ĩ ejabɯarisena. ⁹ Coji rɯyabeto Diore yɯ bɯsija, mɯare yiari bɯsisotia yɯ. Bɯto yɯ tɯoĩarise ñarocōnati ĩ yiro robo Diore cɯdia yɯ. ĩre yiro robo cɯdigɯ, ĩ Macɯ Jesús oca masare goti ucua yɯ. “Roma gānare yiari yɯre senisotiami Pablo”, yi masiguĩji Dios yɯre. ¹⁰ Diore yɯ bɯsija ito bajiro senisotia yɯ. ĩ āmoja mɯa tɯjɯ co rɯmɯ ejabogɯja yɯ, yirocɯ ito bajiro senisotia yɯ. Yoari mɯa tɯ warocɯ tɯoĩasotiboja yɯ. ¹¹ Dios gayere mɯare riaso āmoa yɯ, yɯre ĩ ejabɯado bajiro mɯare cɯni ĩ ejabɯatoni. Ito bajiro mɯare ĩ ejabɯaja, ĩ ocare masicōri bɯto bɯsa tɯoĩa oca sēorā yirāji mɯa. Ito bajiri bɯto mɯare ti āmoa yɯ. ¹² Jesucristore tɯorɯnɯrā ña mani. Ito bajiri mɯa tɯ ejacōri mɯa rāca baba cɯti āmoa yɯ. “Queno Jesure tɯorɯnɯama ĩna”, yi mɯare ti masicōri tɯoĩa oca sēogɯ yigɯja yɯ. Mɯa cɯni ito bajiroti yɯ rāca gāmeri bɯsicōri tɯoĩa oca sēorā yirāji.

¹³ Mɯa tɯo masitoni adi mɯare gotia, yɯ mairā yɯ. Coji rɯyabeto mɯa tɯjɯ wa āmosotiboja yɯ. Yoari mɯa tɯjɯ wa āmobjaguti, iti rɯmɯjɯ mɯa tɯjɯ eja masibiticɯ yɯ maji. Gaje cɯto gānare yɯ riasoroca Jesure boca āmiñi ĩna. Mɯa bajiroti judio masa meje ñarā ñacā ĩna cɯni. Mɯa tɯ ñarā cɯni Jesure ĩna

masitoni ejabũagu wa ãmosotia yũ mũa tũju. Ito bajibojarocati mũa tũju ejabiticũ yũ maji. ¹⁴ Masa jeyarore riasore ña yũre, Dios oca quenarise gayere. Yũ ya moare ña, yũ oca busirãre riosore, ito yicõri yũ oca busimenare cũi riasore gaye. Masirãre cũi riasogu yigũja yũ, ito yicõri masimenare cũi. ¹⁵ Ito bajicõri Romajũ ejacõri, mũa tũ gãnare cũi Jesús gaye oca quenarise riaso ãmosacõa yũ.

Jesucristo oca ñasarise ña, yire gaye

¹⁶ Iti oca masa ñna tũorũnũja, jeamejũ ñna hũbore ñaroca, ñnare masoguĩji Dios. Iti oca judio masare riti ejasũoyija maji. Ito bajibojarocati adocãtama no itire tũorũnũgũreti masogu yiguĩji Dios ñja. Ito bajiri itire masicõri, Jesús gayere bojobicũti gotia yũ. ¹⁷ Ado bajiro ña iti oca: “Jesure mani tũorũnũja, manire boca ãmicõri, ‘Queno yirã ñama. Ñe seti ma ñnare’, yiguĩji Dios. Ado bajiro ucare ñayija jane mejejũ gaye: No Diore tũorũnũgũre, ñre boca ãmigũ yiguĩji Dios. ‘Ñe seti ma ñre’, yi tigũ yiguĩji Dios ñre tũorũnũgũre. Ito bajiri catitĩñagũ yiguĩji ñ”, yi gotia Dios oca tuti.

Masa jeyaro seti cutirã ñama, yire gaye

¹⁸ Ado bajiro ña. Dios macãrũcũroju ñagũ, masa ñna ñeñaro yirise, ñna riojo cudibitire cũi, itire bũto ti teguĩji Dios. Ito bajiro ñna ñeñaro yija, Dios oca quenarisere gãjerã ñna tũobitiroca yirãji ñna. Itire junisinicõri bũto teguĩji Dios. ¹⁹ “Ito bajiro bajigũ ñnaguĩji Dios”, yi masi jedirãji masa. Ñmasiti ito bajiro ñna masiroca yĩni Dios. “Ñeñaro yũ yire waja quenabeto yũ tũbũjaroca yigũ yiguĩji Dios”, yi masi jedirãji masa. ²⁰ Diore tibitibojarãti, “Bũto masigũ

ñami Dios”, yi tʷoĩa mani. Dios mani masiroca yami, ito bajigʷ ñari. Macârũcãro ï rujeorajʷ, jeyaro ï rujeore gaye ticõri, “Ito bajigʷ ñami Dios. Iti ña ï rujeogore”, yi masirãji masa jeyaro. Ito bajiri, “¿No bajigʷ ñati Dios? Ìre ti bʷjabea yʷ. Ito bajiri yʷare seti ma”, yi masia ma masare. ²¹ “Ito bajigʷ ñami Dios”, yi masibojarãti, Diore queno rũcʷbʷobisijarã masa. Ito yicõri, “Queno ya mʷ”, yire gaye yibisijarã ìre. Ado bajirojʷa yiyijarã ìna. Rocati bajiro, tʷoĩabojayijarã masa. Ñeñarise riti ìna tʷoĩa rêtocũja, quenarise ìna tʷoĩabojare gayere ãcabojayija ìnare. Ito bajiro bajirã ñari rãitĩari ʷsi bajiro ʷsi cʷtiyijarã ìna. ²² “Bʷto masirã ña gʷa”, yibojayijarã ìna. Ito yibojarãti masimena ñayijarã ìna. ²³ Ito bajiro tʷoĩabojarãti, Dios catitĩnagũre queno rũcʷbʷobisijarã ìna. Gajero bajirojʷa yiyijarã ìna. Masʷ jogaroti rujʷ robo bajiro meni rujeocõri rũcʷbʷobojayijarã ìna. Wʷtirãre, jinoare, ito yicõri waibʷcʷ bajirãre cʷni rũcʷbʷobojayijarã ìna.

²⁴ Itire ñeñarise gayere ìna rũcʷbʷoja, “Yibesa”, yibisijʷ Dios. Riojoti ticõayijʷ ìja. “Ìna ãmoro bajicõato”, yiyijʷ Dios ìnare. Ito bajiri ìnamasiti ìna ya rujʷ ñeñaro iti tʷoĩaro bajiroti ñeñaro yi ʷyayijarã ìna. Ito bajiro yicõri ìnamasiti gãmeri ñeñaro yiyijarã ìna. ²⁵ Dios oca ñasarisere tʷorũnʷbiticõri, ruore ocajʷare tʷorũnʷyijarã ìna. Diore rũcʷbʷoado õno yirã, Dios ï menire gayejʷare rũcʷbʷoyijarã masa. “Dise rʷyabeto rujeorʷ ña Dios mʷ. Mʷ ña rêtoro queno yigʷ”, yi rũcʷbʷotĩñacõrʷja manire. Ito bajiro riti bajitĩñaja quena.

²⁶ “Ìna ñeñaro yirisere jidicã ãmobeama”, yi ma-

sicōri masare ticōayijũ Dios Ìja. Romiajũ cuni, ãmũa rãca Ìna yibojarere jidicãcōri, Ìna romia comasiti yiyijarã Ìna Ìja. ²⁷ Ito bajiroti ãmũa cuni, romia rãca Ìna yibojarere wasoayijarã Ìna. Ito bajiri, Ìna ãmũa comasiti, ruje josayijarã Ìna Ìja. Ito bajiri Ìna ãmũa comasiti ñeñarise yiyijarã Ìna. Ito bajiri ñeñaro Ìna yirisere Ìna ya rujumasiti quenabisijũ Ìnare.

²⁸ Diore Ìna tũo ãmobitiado bajiroti, ñeñarise Ìna yijare, “Yibesa mũa”, yibisijũ Dios. Riojoti ticōayijũ. “Ìna ãmoro bajicōato”, yiyijũ Dios. Ito bajiri Ìna yi ãmoriseti ñeñaro yiyijarã Ìna Ìja. ²⁹ Jeyaro ñeñarise, yi uyarã ñama masa. Jeyaro ñeñarise yirãji Ìna. Ado bajiro baja. Tũote mũa. Dios rotirisere tũo tecōri bũto ñeñarise yirãji Ìna. Gãji ya gajeoni ãmotirã yirãji Ìna. Gãjire ñeñaro yirona tũoĩarã yirãji Ìna. Gãji jai busaro Ì rucoja, Ìre uorãji Ìna. Sĩarãji Ìna. Gãmeri oca josarãji Ìna. Ito yicōri rocati socarãji Ìna. Tĩ tudirã yirãji Ìna. Gãjerãre oca menirã yirãji Ìna. ³⁰ Busiturãji Ìna. Diore ti terãji Ìna. Junisiorise cãdirã yirãji Ìna. “Ñasagũ ña yũ”, yi tũoĩarã yirãji Ìna. “Bũto masigũ ña yũ”, yi busirãji Ìna. Ñeñarisere yirã, bũto tũoĩa rujeorã yirãji Ìna. Ìna jacũsabatiare yiro robo cãdimenaji Ìna. ³¹ Tũo masimena ñarã yirãji Ìna. Ìna busisũoado bajiro yimenaji Ìna. Ito yicōri gãjerãre ti maimenaji Ìna. Gãjerã ñeñaro Ìna yirisere, ãcabojo menaji Ìna. ³² “Ito bajiro ñeñaro yirãre jeame ãjũroju cõacuja yũ”, yicãñi Dios, yi tũoĩabojarãti ñeñaro Ìna yirisere jidicã ãmomenaji Ìna. Iti ñeñarise yi uyacōrã yirãji Ìna. Ito yicōri Ìna robo bajiro gãjerã cuni ñeñaro Ìna yija ticōri, bũto wanurã yirãji. “Quena ña iti”, yi tirã yirãji Ìna.

2

Masa ñeñaro ñna yiado bajiroti waja senigũ yiguĩji Dios, yire gaye

¹ Gãjerãre ti masicõri, “Ñna ñama ñeñaro yirã”, yibesa. Ñna robo bajiroti ñeñarise ya mua cuni. Ito bajiri, “Seti ma guare”, yi masia ma muare. “Ñnare seti ña”, mua yija, “Yure cuni seti ña”, yiado bajiro ya mua. Ñna yiro bajiroti ya mua cuni. ² Ñeñaro yirã ñabojarãti, “Ñna ñama ñeñaro yirã”, mua yija, muare cuni waja senigũ yiguĩji Dios. Masa jeyaro ñeñaro ñna yirise waja, Dios ñ senija, yiro robo yigu ñami Dios. “Riti bajia iti”, yi masi jedia mani. ³ Ñna robo ñeñaro yirã ñabojarãti, “Ñnare seti ña”, mua yija, ñna robo bajiro ñeñaro yirãti ya mua cuni. “Dios mani ñeñaro yirise waja, manire waja senibiquĩji”, yi tuoñabojarãji mua. Ito bajiro yi tuoñabojarocati mua ñeñaro yirise waja muare waja senigũ yiguĩji Dios. ⁴ Mua ñeñaro yibojarocati, mua ñeñaro yirise waja senirocu usiriobiquĩji Dios. ¿Ito bajiri, “Yure waja senibiquĩji”, yi tuoñabojati mua? Ito bajiro meje baja. Manire ti maicõri, mani ñeñaro yirise waja, waja senirocu usirio yibiquĩji Dios. Ñeñaro yirise mani jidicãre ãmoami ñ. Itire mani jidicãtoni yugu yami Dios. ⁵ Diore tuo ãmobeja mua. Ito bajiri ñeñaro mua yirisere tuoña bojori bujabiticõri itire jidicãbea mua maji. Buto busa ñeñarise mua yi rêtocũja, buto ñeñarise mua tóbujaroca yigu yiguĩji Dios. Ito bajiro ñ yija ticõri, “Yiro robo yigu ñami Dios”, yi masi jedirã yirãji masa jeyaro. ⁶ Masa jeyarore ñeñaro ñna yirise waja ñnare waja senigũ yiguĩji Dios. Ito yicõri

quenaro yigoanare, queno yigũ yiguĩji ĩ. ⁷ “Yũ Macũre tũorũnũcõri queno yirã ña mũa. Ito bajiri yũ rãca catitĩñarã yirãji mũa”, Dios ĩ yire tũo ãmorã, quenarise riti yisotirãji ĩna. Ito bajiro ĩna yija ticõri, ĩnare catitĩñare gaye ĩsigũ yiguĩji Dios. ⁸ Gãjerãma ito bajirã meje ñarãji. Gãjerãre tũo maibiticõri ĩna rũcorisere bũto mairãji ĩna. Ito yicõri Dios oca quenarise tũorũnũmena, ñenarise yĩ uyarãji ĩna. Ito bajiro ĩna yija bũto ti junisinicõri, ĩnare waja senigũ yiguĩji Dios. ⁹ Ñenaro yirã jeyaro bũto tũoĩa bũjatobiticõri ñenaro tũbũjarã yirãji ĩna. Cajero judio masa ñenaro ĩna yirise waja tũbũjasũorã yirãji ĩna. Judio masa meje cunĩ ito bajiroti ñenaro ĩna yirise waja tũbũjarã yirãji ĩna. ¹⁰ Gãjerã quenaro yigoanareama, “Quenaro yirã ñaĩ”, yigũ yiguĩji Dios. Ito bajiri ĩnareama gãjerã rũcũbũorã yirãji. Ito yicõri ñe uširiobeto ñarã yirãji ĩna. ĩna ya ušiju queno wanũ quenarã yirãji ĩna. Ito bajiro, bajiro yiroja judio masare, ito yicõri judio masa mejere cunĩ, Jesucristore tũorũnũcõri quenarise riti ĩna yijama.

¹¹ Mani yĩ ñasotigore ticõri, manire bese masigũ yiguĩji Dios. Judio masa, judio masa mejere cunĩ coro bajiroti ti maiguĩji Dios. ¹² Masa jeyaro ñenaro yirãji ĩna. Coriarã Dios ĩ rotirisere masimenati ñenaro yirãji ĩna. ĩna ñenaro yija, ĩna ñenaro yirise waja, waja senigũ yiguĩji Dios, ĩ rotirisere masimena ñabojarocati. Gãjerãma Dios ĩ rotirisere masirã ñabojarãti, ñenarise yirãji ĩna. Ito bajiri ĩna cũdibitire waja, ĩnare waja senigũ yiguĩji Dios. ¹³ ĩ rotirise tũobojarãti ĩna cũdibeja, “Queno yirã ñama”, yibiquĩji Dios. “Quenarã ñama

ĩna”, yiguĩji Dios, ĩ rotirise yiro robo cʉdirãreama. ¹⁴ Judio masa meje cʉni, Dios ĩ rotirisere masi-bitibojarãti, coriajuri quenarise yisotirãji ĩna. Ito bajiro ĩna yisotija, Dios rotirise ucara tuti manibojarocati, ĩna masirisena Dios rotirise ña ĩnare. ¹⁵ ĩna rʉcʉbʉogore ticõri, “Ĩna masirisena Dios ĩ rotirise ña ĩnare”, yi tʉoĩa mani. Ñeñaro ĩna yija, yoari meje, “Ñeñaro ya yʉ”, yirãji ĩna, ĩna masirisena. “¿No yija ñeñaro yati yʉ?” yi tʉoĩarãji ĩna. Quenarise ĩna yija, “Quenarise yibʉ yʉ”, yi masirãji ĩna. ¹⁶ Mani tʉoĩarisere masicãguĩji Jesucristo. Ito yicõri yeyorojʉ mani yibojarisere masicõguĩji ĩ. Ito bajiri Dios, Jesure waja senitoni ĩ cõari rʉmʉ, masa quenarãre bese masigũ yiguĩji Jesús. ĩ oca quenarise mʉare yʉ riasoja, ito bajiroti iti oca mʉare riasoa yʉ.

Moisés rotirisere cʉdirã ñari Dios ñarã ña gʉa, judio masa ĩna yire gaye

¹⁷ Ado bajiro tʉoĩabojarãji judio masa mʉa: “Judio masa ñari Moisés ñayorʉre Dios ĩ rotirise ĩ cʉre rʉcʉbʉoa gʉa. Ito bajiri Dios ñarã ña gʉa”, yi tʉoĩabojarãji mʉa. ¹⁸ Dios ĩ yiro robo yire gayere masirãji mʉa. “Dios ĩ rotirise masicõri, quenarisere yi masia gʉa”, yirãji mʉa. ¹⁹ Mʉa ĩtire tʉoĩarã, “Dios gaye masimenare riaso masia gʉa”, yi tʉoĩarãji mʉa. “Ñeñaro yirãre quenarise gaye riaso masia gʉa”, yi tʉoĩarãji mʉa. ²⁰ “Tʉo masimenare, ito yicõri rĩaca bajiro tʉoĩarãre cʉni riaso masia gʉa”, yi tʉoĩarãji mʉa. “Dios rotirise masicõri, jeyaro ñasarise masia gʉa”, yi tʉoĩabojarãji mʉa. ²¹ Gãjerãre queno riasobojarãti, ¿no yija

ĩnare m̃a riasoado bajiroti yibeati m̃a? “Rinire, quenarise gaye meje ña”, yi riasobojarãti, ¿no yija m̃amasiti riniati m̃a? ²² “Manojo cutibojarãti, gãjerãre yire meje ñaroja”, yibojarãti, ¿no yija m̃amasiti itire yati m̃a? Masa ña meni rujeorãre ti tebojarãti, ¿no yija iti wi gaye gajeoni riniati m̃a? ²³ “Dios ñ rotirisere masia g̃a”, yibojarãti, ñre c̃dibea m̃a. Diore c̃dimena ñari, ñre r̃c̃b̃uorã meje ña m̃a. Ito bajiro m̃a yija ticõri, gãjerã c̃ni Diore r̃c̃b̃uomena yirãji ña. ²⁴ Dios oca gotirise bajiro bajia m̃are. Ado bajiro goti iti: “Judio masa ñabojarãti, Dios rotirise gayere c̃dibea m̃a. M̃a ito bajija ti masicõri, judio masa meje c̃ni Diore ñeñaro busituama ña. Ito bajiri m̃are seti ña”, yi gotia Dios oca tuti.

²⁵ “Dios ñarã ña g̃a”, yi t̃oĩacõri pĩ gaja wirotasotirãji judio masa. “Diore m̃a c̃dija ñ ñarã ñarãji m̃a”, ya ỹ. Ito bajibojarocati, wirotagoana ñabojarãti Diore m̃a c̃dibeja ñ ñarã meje ña m̃a. ²⁶ No Dios rotirisere c̃dig̃ti, wirotaya mac̃ ñabojag̃ti, “Ỹ yag̃ ñami ñ”, yig̃ yiguĩji Dios. ²⁷ M̃a judio masa Dios rotirise ucara tutire r̃corã ñabojarãti, ito yicõri wirotagoana ñabojarãti Diore c̃dibea m̃a. Coriarã judio masa meje ñarã, wirotamena ñabojarãti Dios ñ rotirisere c̃dirã ñama ña. Ito bajiro ña yija ticõri, “Dios ñ tiro riojo ñeñaro yirã ña g̃a”, yi t̃oĩarã yirãji m̃a. ²⁸ Judio mas̃ goro ñ ñarise m̃are gotig̃ ya ỹ. Sīg̃ wirotar̃ ñabojag̃ti Diore r̃c̃b̃uobic̃, judio mas̃ goro meje ñami ñoc̃. ²⁹ No Dios bajiro usi cutig̃, ito yicõri Dios ñ rotirise yiro robo c̃dig̃ judio mas̃ goro ñaguĩji ñoc̃. Judio masa bajiro wirotacõacõri,

ĩ ñeñaro yirisere jidicãgũ yiguĩji ĩ. Ito bajiro bajigu ñaguĩji Dios rotirisere yiro robo cãdigu. Ito bajiro bajigu, “Quenagũ ñami. Ñe seti ma ĩre”, yiguĩji Dios. Masa ĩna, “Quenagũ ñami”, ĩna yibitibojarocati, “Quenagũ ñami”, yiguĩji Dioama.

3

¹ Itire tũocõri, ¿no bajiro tũoĩati mũa? Judio masũ ñaja, ¿ñasagu ñare ñati? wirotare gaye, ¿ĩna yiado bajiro yija quenati? “Judio masũ ña yũ”, ¿sĩgũ ĩ yija quenati? ¿No yibeati? ² “Judio masũ ña yũ”, ĩ yĩ tũoĩaja quena ña. Jaje gotirena sũoriti judio masũ ñasagu ñare ña. Cajero gorooma judio masare ĩ oca cõañi Dios. ³ ĩ oca rũcũbũobojarãti judio masa coriarã Diore yiro robo ĩna cãdibeja, ¿no bajirojada? Yiro robo Dios rotirise ĩna yibitibojarocati Dioama yiro robo yigu ñami. “Ĩ yiro robo yibiquĩji Dios”, ĩna yĩ tũoĩaja, ¿ĩ yiro robo yibiquĩjida Dios?

⁴ Meje, bajibea. ĩ yiro robo yisotigu yiguĩji Dios. Masa jeyaro ĩna socabojarocati, Dioama socagu meje ñami. Jane mejeju Diore goti ĩsiri masũ ado bajiro ucayoĩi:

Dios mũa ña coji ruyabeto yiro robo yigu. “Ado bajiro yicũja yũ”, mũa yiro bajiroti ya mũa. Ito bajigu mũa ñajare, “Diore seti ña”, yĩ masime-naji masa. “Socagu meje ñami Dios”, yĩ masi jedirã yirãji masa jeyaro, yĩ ucayoĩi Diore goti ĩsiri masũ.

⁵ Coriarã ado bajiro tũoĩabojarãji: “Bũto ñeñarise yũ yĩ rêtocũja ticõri, ‘Dios sĩgũti ñami quenagũ’, yĩ tũoĩarã yirãji gãjerã”, yĩ tũoĩabojama coriarã. Ito bajiro tũoĩacõri, “Ñeñaro yũ yirise waja, waja Dios ĩ

senija, ñeñaro yiguĩji ĩ cuni”, yi tũoĩabojarãji coriarã. ⁶ Ito bajiro meje ña. Masa ñna ñeñaro ñna yirise waja Dios ĩ senija, ñeñaro yigu meje yami Dios. Ñeñarise ma Diore. Ito bajiri masa jeyarore, ñeñaro ñna yirise waja seni masiguĩji Dios.

⁷ Gajero bajirojua tũoĩabojarãji masa: “Yũ rwoja ticõri, ‘Rwogu meje ñami Dios’, yi rucubworã yirãji gãjerã. Ito bajiri, ¿no yija yũ rwojati yare waja seniati Dios?” yi tũoĩabojarãji coriarã. ⁸ “Ñeñaro mani yija ticõri, ‘Dios sīgũti ñami queno yigu’, yi rucubworã yirãji gãjerã. Ito bajiri ñeñaro yito mani”, yi tũoĩabojarãji coriarã. Gware masa tũorũnũme yirona, “Ito bajiroti rwore gaye riasoama Pablo mesa cuni”, yi rwoama gãjerã gware. Ito ñna yire waja, quenabeto ñna tũbujaroca yirujami Dios.

Mani ñarocõti seti cõtirã ña, yire gaye

⁹ ¿No bajiro tũoĩati mua? Mani judio masa, ¿gãjerã rẽto busaro ñasari masa bajiro bajiatu mani? Ñena sũori bajibea mani. Mani judio masa, judio masa meje ñarã cuni, seti cõtirã riti ña mani. Ito bajiro riti masare riasocũ yũ. ¹⁰ Dios oca tuti ado bajiro gotia:

Sīgũ quena busagu maquĩji.

¹¹ Ñimujua tũoĩa masigũ maquĩji, ito yicõri Dios robo bajiro usi cuti ãmogũ maquĩji.

¹² Masa jeyaro Dios oca quenarisere jidicãni, ito yicõri ñeñarise riti yirãji. Nijua sīgũ quenarise yigu maquĩji.

¹³ Ñna ya riseri, masari cuma janado bajiro bajiroja. Ñna busija masari cuma ãniro bajiro

bajiroja, ruore oca riti ĩna busija. ĩna busija, ĩna rima robo bajiro junirise budiroja, ĩna ya oca.

¹⁴ Gĕjerĕre busiturĕ, oca junisiorise busiturĕ ĩnarĕji ĩna. Ito bajiro yicĕri gĕjerĕre rojarĕ yirĕji ĩna.

¹⁵ Rocati tĕoĭamenati, gĕjire sĭarĕji ĩna.

¹⁶ ĩna waroju ĩĕnarise yirĕji ĩna. ĩĕnaro yicĕri, gĕjerĕ bajato mano ĩna tĕbujaroca yirĕji ĩna.

¹⁷ Gĕjerĕ rĕca queno ĩare gaye ĩa masimenaji ĩna.

¹⁸ “Sĕogĕ ĩami Dios”, yi tĕoĭabojarĕti, ĩre rĕcubĕomenaji ĩna, yi gotia Dios oca tuti.

¹⁹ Dios ĩ rotirise gaye, mani judio masare cĕĭni, ĩ rotirisere mani cĕditoni. Dios ĩ rotirise masibojarĕti, itire mani yibeja, “Yĕre seti ma”, yi masimenaji mani. Ito bajiri, “Masa jeyarore ĩna ĩĕnaro yirise waja, waja senigĕ yiguĭji Dios”, yi tĕoĭa mani. ²⁰ Nijĕa sĭgĕ maquĭji, “Dios ĩ rotirise ĩarocĕti cĕdijeo ya”, yi tĕoĭagĕ. Ito bajiri, “‘Queno yigĕ ĩa mĕ’, yigĕ yiguĭji Dios yĕre”, yi tĕoĭagĕ maquĭji. Dios ĩ rotirise masicĕri, “ĩĕnaro yigĕ ĩa ya”, yi masi jedia mani ĩja.

Jesucristore mani tĕorĕnĕja ticĕri, manire masogĕ yiguĭji Dios, yire gaye

²¹ “Yĕ rotirisere masibitibojarĕti queno yirĕ ĩama yĕre tĕorĕnĕrĕ. ĩe seti ma ĩare”, yi gotiami Dios adi rĕmĕri ĩja. Jane mejeĕ cĕni ito bajiroti gotisĕoyija ĩ rotirise, ĩre goti ĩsiri masa ĩna ucare cĕni.

²² “No Jesucristore tĕorĕnĕgĕ, ĩ ĩami quenagĕ”, yigĕ yiguĭji Dios. Judio masa, judio masa meje cĕni Jesucristore ĩna tĕorĕnĕja ticĕri, coro bajiroti ti maiguĭji Dios. ²³ Mani jeyaro ĩĕnarise yiana riti ĩa mani. ĩimĕja maquĭji, Dios ĩ ĕmorise yigĕ.

²⁴ Ito bajibojarocati manire ti maiguĩji Dios. Jesure mani t̃uor̃ũñja, “Ỹre waja ruyuriobeama ñna, ñna ñeñaro yirise waja yi jeocõñi ỹ Mac̃”, yig̃u yiguĩji Dios. ²⁵ Dios cõayij̃u Jesucristore, manire ã goda ãsitoni. Mani r̃ũcũbuore r̃ãca, “Ñeñaro ỹu yirisere waja yi ãsiñi Jesús ã ya r̃ina”, mani yija, mani ñeñaro yirisere ãcabojoğ̃u yiguĩji Dios. Iti masicõri, “Yiro bajiroti yig̃u ñami Dios”, yi t̃uõña mani. Jane mejeğ̃u masa ñna ñeñaro yirisere waja seni ʉsirio yibisij̃u Dios. “Ñna ñeñaro yirise waja goda ãsig̃u yiguĩji ỹu Mac̃”, yire gaye masi yuc̃ayij̃u Dios. ²⁶ Ito bajiro r̃etayija, “Yiro robo yig̃u ñami Dios”, mani yitoni. No Jesure t̃uor̃ũñg̃ureti, “Queno yig̃u ñami”, yig̃u yiguĩji Dios, ñeñaro mani yirise Jesús ã waja yija bero ñajare.

²⁷ “Queno yig̃u ña ỹu”, Dios ã tiro riojo yi masibea mani. Adoc̃ãta Dios rotirise yiro robo mani c̃adija, “Queno yig̃u ña ỹu”, ¿yi masiati mani? Meje itioni yi masimenaji mani. Itire mani yi masibitibojarocati Jesure mani t̃uor̃ũñja, “Queno yir̃ã ñama”, yi tiguĩji Dios manire. ²⁸ Dios rotirise mani c̃adi ãmor̃ã josabojarocati, “Queno yir̃ã ñama”, yibiquĩji Dios. Ito bajibojarocati, “Ỹu ñeñaro yirisere waja yi ãsiñi Jesús”, mani yi t̃uõñaja, “Ñna ñama quenar̃ã”, yig̃u yiguĩji Dios.

²⁹ Mani judio masa ʉğ̃u riti meje ñaguĩji Dios. Judio masa mejere c̃uni ñna ʉğ̃uti ñami Dios. ³⁰ Ito bajiri s̃ig̃u ñabojag̃uti masa jeyaro ʉğ̃u ñami Dios. Ito bajiri s̃ig̃u judio mas̃u, Jesure ã t̃uor̃ũñja ticõri, “Quenag̃u ñami”, yig̃u yiguĩji Dios. Ito yicõri judio mas̃u meje c̃uni Jesure ã t̃uor̃ũñja ticõri, “Ñ ñami quenag̃u”, yig̃u yiguĩji Dios. Wiro mani tabeja,

wiro mani taja cuni ñasarise meje ña Dios ï tija.
³¹ Itire tʉoĩacõri, ¿Dios ï rotirise jidicãrɰjati mani?
 No yicõri jidicãmenaji mani. Mani Jesure tʉorũnrã
 bʉto bʉsa Dios ï rotirisere cʉdirã yirãji mani.

4

Ado bajiro bajiyijɰ Abraham ñayorɰ, yire gaye

¹ Mani ñicɰ Abraham ñayorɰre tʉoĩacõri, ¿no bajiro yi tʉoĩati mani? Ito yicõri, ¿no bajiro ï yija ticõri, ïre boca ãmiyijari Dios? ² Queno ï yirise ticõri, ¿ïre boca ãmiyijari Dios? Ito bajiro meje ña. Ito bajiro bajijama, “Queno yigɰ ña yɰ”, yiborɰ Abraham. Dios ï tiro riojo, “Queno yigɰ ña yɰ”, yi tʉoĩabisijɰ Abraham. ³ Dios oca ado bajirojɰa gotia: “Abraham Diore queno tʉorũnɰyijɰ. Ito bajiri, ‘Queno yigɰ ñami’, yi boca ãmiyijɰ Dios Abrahamre”, yi gotia Dios oca. ⁴ Ado bajiro mɰare goti masiogũ ya yɰ. Sīgũ ï moaja, ïre moare rotigɰ rocati meje waja yiguĩji ï. ï moare ticõri waja yiguĩji ï. ⁵ Diore tʉorũnrɰre gayeama, ito bajiro meje bajia. ïre tʉorũnrãre queno boca ãmiguĩji Dios. ïna queno yire waja, waja yirocɰ meje ïnare boca ãmigũ yiguĩji Dios. ïre ïna tʉorũnɰjare, ïnare boca ãmigũ yiguĩji Dios. ïre ïna tʉorũnɰja ticõri, “Queno yirã ñama”, yigɰ yiguĩji Dios. ïna queno yire waja, waja yirocɰ meje ito bajiro yigɰ yiguĩji Dios. ïre ïna tʉorũnɰjare, ïnare boca ãmigũ yiguĩji Dios. ⁶ Itire tʉoĩagũ David ñayorɰ cuni ado bajiro yiyijɰ: “Jeyaro ïna yigore tʉoĩabicʉti, ‘Queno yirã ñama. Ñe seti ma ïnare’, yigɰ yiguĩji Dios ïre tʉorũnrãre. Ito bajiro Dios ïnare ï boca ãmija, wanɰ quenarã yirãji ïna”, yiyijɰ David

ñayoru. “Wanu quenarã yirãji”, yirocu,⁷ ado bajiro yiyiju David:

Ñeñaro ñna yirisere Dios ñ ãcabojoja, ito yicõri iti ñeñarisere ñ ruyurioja bero queno wanu quenarã yirãji ñna.

⁸ No ñeñaro ñ yirisere waja Dios ñ senibeja, queno wanu quenagũ ñaguñji, yiyiju David ñayoru.

⁹ Iti wanu quenare, judio masa wirotagoana gaye riti meje ñaroja iti. Judio masa meje ñarã cuni wirotabitibojarãti Diore ñna tuorũnũja wanu quenarã yirãji. Abraham ñayorure mucana tãdi tuoĩate mua. “Yure tuorũnũgũ ñami Abraham”, yi ticõri, “Queno yigu ñami ñ. Ñe seti ma ñre”, yiyiju Dios. ¹⁰ Dios ito bajiro ñ yija, ¿Abraham ñ wirotaja bero ñayijari? Ito bajirojua meje bajiyija. Abraham ñ wirotaroto riojua, “Queno yigu ñami Abraham”, yiyiju Dios. ¹¹ Abraham ñ tuorũnũja ticõri, “Queno yigu ñami”, yi ñre boca ãmiyiju Dios. ñre ñ boca ãmija berojua ñre wirotaroti Dios. “Riti Dios yagu ña yu”, yi tuoĩacõri, Dios ñ rotiado bajiro yigu wirotayiju Abraham ñayoru. Ito bajiri Abrahamre ñ wirotaroti riojua, “Queno yigu ñami Abraham”, yiyiju Dios, yi tuoĩa masia mani. No Diore tuorũnũgũ, judio masu meje ñabojaguti, wirotacoru meje ñabojaguti, “Ñ ñami quenagũ”, yigu yiguñji Dios. Dios ñ boca ãmiana, Abraham janerãbatia robo bajiro bajirã ñarãji ñna ñja. ¹² Wirotagoana ñicu cuni ñaguñji Abraham. Wirotaroto riojua Diore tuorũnũyiju Abraham. Wirotarajana suori meje ñna ñicu ñaguñji Abraham. ñ robo bajiro, Diore ñna tuorũnũjare, judio masa ñicu ñaguñji Abraham. Judio masa ñicu

ñaguĩji ĩ. Judio masa ĩna ñare waja meje, Diore ĩna tʰorũnũre waja judio masa ñicu ñaguĩji Abraham. Ito bajiri Abraham robo bajiro Diore tʰorũnũrã, ĩ janerãbatia robo bajirã ñarãji ĩna.

Jesure mani tʰorũnũja Dios ĩ goticãdo bajiroti rētarō yiroja, yire gaye

¹³ Jane mejeju ado bajiro goticãyiju Dios Abrahamre: “Macãrũcũro sita ñarocōti mũre, mũ janerãbatiare cuni ĩsigũ yigũja yũ”, yiyiju Dios. Ito bajiro gotiyiju Dios Abrahamre ĩ rotirisere yiro robo ĩ cadija ticōri meje. “Yũre tʰorũnũcōri, queno yigu ñami Abraham”, yi tʰoĩacōri ito bajiro cūyiju Dios Abrahamre. ¹⁴ “Dios ĩ rotirisere gũa cadiire waja, ‘Ado bajiro masare ĩsicũja yũ’, ĩ yiro bajiroti guare ĩsigũ yiguĩji Dios”, yi tʰoĩabojama coriarã. ĩre tʰorũnũmenareti ĩ rotirise ĩna cadiire waja Dios ĩ ĩsija ĩre tʰorũnũbojarã ya mani. Ito yicōri, “Yũre tʰorũnũrãre ado bajiro ĩsicũja yũ”, yi Dios ĩ goticãre bũroti bajiro bajia iti cuni. ¹⁵ Ito bajiro meje ña. “ĩ rotirisere masibojarãti ĩna cadibeja ticōri, ĩnare junisinigũ yiguĩji Dios”, yi tʰoĩa mani. Dios ĩ rotirise manija, “Dios ĩ rotirisere cadibeamã masa”, yi masibitiboana mani.

¹⁶ Abrahamre ti maicōri, “Yũre mũ tʰorũnũja, rocati waja mano mũre ĩsigũ yigũja yũ”, yiyiju Dios Abrahamre. Mani Diore tʰorũnũja, mani ñicu bajiro bajigu ñaguĩji Abraham. Ito bajiri Dios rotirise cadiã riti meje, Abrahamre Dios ĩ goticãre boca ãmirã yirãji ĩna. No Abraham robo bajiro Diore tʰorũnũrã Dios ĩ goticãre boca ãmirã yirãji ĩna. ¹⁷ Dios Abrahamre ĩ goticãdo bajiroti, ucare ñayiju jane mejejutĩ. Ado bajiro bajiyiju: “Jaje sitari

gãna ñicu ñarocu mure cûa yu”, yiyiju Dios Abraham ñayore. Ito bajiro Dios ñ yija tuoõri, ñ gotiro bajiroti rûcuboyiju Abraham. Ito bajiri mani ñicu ñarocu cûyiju Dios Abrahamre. Sêogû ñami Dios. Ìti ñami godanare catiroca yigu, ito yicõri jeyaro rujeoru.

¹⁸ “Mu janerãbatia jãjarã ñarã yirãji”, Abrahamre Dios ñ yiroca, rã macu ñayiju Abraham maji. “Dios ñ gotire, rêtaru yiroja”, yi tuoia ñayiju Abraham, rã manibojaguti. ¹⁹ Abraham cien rodoricõ tujabojaguti, ito yicõri ñ manojo Sara, buco ñabojarocati, “Rã macuja yu”, yibisiju Abraham. Bucugu rã cutiado macu ñabojaguti, “Ija rã cutibicuja yu”, yi tuoabisiju ñ. “Dios ñ gotirise riti ña”, yi tuoia jidicãbisiju Abraham. ²⁰ “Dios ñ gotirise ñaro bajiroti rêtaru yiroja”, yi tuoayiju Abraham. “Ì gotiado bajiro yibicu yiguji Dios”, yire gaye tuoabisiju Abraham. Ito bajiri buto busa tuoia oca sêocõri, “Ì rotiado bajiroti yigu yiguji Dios”, yi tuoayiju ñ. Ito bajiro tuoiacõri, “Rêtoro masigû ñami Dios”, yi rûcuboyiju Abraham, Diore tuorûnugû. ²¹ “Dios buto masigû ñ ñajare, ñ goticãdo bajiroti yigu yiguji”, yi tuoiasotiyiju Abraham. ²² Ito bajiro ñ yija ticõri, “Queno yure tuorûnugû ñami Abraham, ito yicõri queno yigu ñami ñ”, yiyiju Dios. Ito bajiro gotia Dios oca tuti.

²³ Abraham ñ sîgûre yiari meje ucare ñayija iti.

²⁴ Manire yiari cani ucare ñayija iti. Diore mani tuorûnaja manire boca ãmicõri, “Quenarã ñama ñna. Ñe seti ma ñnare”, yigu yiguji Dios. Ì Dioti ñami, mani Uju Jesure, ñ godaroca mucana tûdi ñ catiroca yiru. ²⁵ Mani ñeñaro yirise ñarocõti waja yi jeorocu

godañi Jesús. Ī godaja bero mɛcana tɔdi catiñi, “Ñe waja ruyuriobeama ĩna. Queno yirã ñama ĩna”, Dios ĩ yitoní.

5

Jesure mani tɔorũnɔja ñe seti mana ña mani, yire gaye

¹ Jesure mani tɔorũnɔja, “Ĩna ñama quenarã. Yure waja ruyuriobeama ĩna”, yigɔ boca ãmiguĩji Dios manire. Ñarocõreti quenoyijɔ Jesús. Ito bajiri Dios rãca queno ñare gaye ña manire. ² Jesure mani tɔorũnɔja, manire ti maicõri manire masogũ yiguĩji Dios. Ito bajiri ĩre tɔorũnɔcõri queno wanɔrãji mani. “Rẽtoro quenagũ ñami Dios. Ī quenaro yirise manire yiari jidicãgũ yiguĩji ĩ”, yi wanɔ quenarãji mani. ³ Iti gaye riti meje wanɔ quenarãji mani. Mani ñeñaro tɔbɔjabojarijɔ cɔni wanɔcõrãji mani. “Ñeñaro yɔ tɔbɔjabojaja cɔni Jesure masicõri bɔto bɔsa tɔoĩa oca sɛogũ yigɔja yɔ”, yi tɔoĩa mani. ⁴ Ito bajiro mani bajija ticõri, “Queno yure tɔorũnɔrã ñama ĩna”, yigɔ yiguĩji Dios. Ito bajiro Dios ĩ yija, “Yure masogũ yiguĩji”, yi tɔoĩa yucãrãji mani. ⁵ Ito bajiro tɔoĩa yucõri, bojori bɔjare gayere bɔjamenaji mani. “Dios manire masogũ yiguĩji”, yi tɔoĩacõa mani. Manire bɔto maiami Dios. Ito bajiri manire Espiritu Santore queo sãñi Dios. Espiritu Santo mani rãca ĩ ñatĩñajare, “Yure maiami Dios”, yi tɔoĩa mani ĩja.

⁶ Ñeñaro mani yirise mani jidicã masibeto, ito yicõri, “No yi masia ma yure”, mani yi tɔoĩaroca, itocõ Dios ãmoro bajiro ejayija, Cristo manire ĩ goda ĩsirijɔ. ⁷ Sīgũ queno yigɔ ñabojarocati, ĩre goda

ĩsigũ queno maquĩji. Sĩgũ queno yigũ ĩre goda ĩsigũ ñaguĩji gajea. ⁸ Cristoama mani ñeñaro yirã ñabojarocati, manire goda ĩsiñi ĩ. Ito bajiri, “Manire bũto maiami Dios”, yi tũoĩa masia mani. ⁹ Jesús mani ñeñaro yirise waja, ĩ ya rĩna waja yi godaĩni. Ito bajiri itire ticõri, “Yũre waja ruyuriobeama ĩna. Ñe seti ma ĩnare ĩja”, yiguĩji Dios manire. “Yũre yiari bũsigũ yiguĩji Cristo. Ito bajiri, yũre junisinibicũ, ñeñaro yũ tũbujaroca yibicũ yiguĩji Dios”, yi tũoĩa masia mani. ¹⁰ Diore mani wajacũ catibojarocati maji, manire yiari goda ĩsiñi Cristo. Ito bajiro yiñi ĩ, Dios rãca mani queno ñatoni. Dios rãca queno mani ñaroca, adocãta Jesús mũcana caticõri queno bũsa manire yigũ yiguĩji. Jeame ãjũroju mani wabore ñaroca, manire masogũ yiguĩji Jesús. ¹¹ “Jeame ãjũroju wabore gaye manire masogũ yiguĩji”, yirona bũto wanũrãji mani. Ito yicõri, “Yũ ñarã ñama. Ñe seti ma ĩnare”, yigũ yiguĩji Dios. Ito bajiro yiguĩji Dios, mani Ʋju Jesucristo manire ĩ goda ĩsire ñajare.

Cristo ito yicõri Adán ñayorũ ĩna bajire gaye

¹² Dios ĩ cajero rujeosũorũ ĩ ñayijũ Adán wame catigũ. ĩ cajero ñeñarise yisũoyijũ. ĩ ñeñaro yisũorajũna, jeyaro macãrũcũro gãna ñeñaro yisũoyijarã. Ito yicõri godasũoyijarã ĩna. Mani ñeñarise yirã ñari, goda jedirã yirãji mani jeyaro. ¹³ Dios ĩ rotirise, Moisésre ĩ jidicãroto riojuã, masa ñeñarise yicãnaju ñayijarã ĩja. Ñeñaro ĩna yibojarocati, Dios ĩ rotirise manijare maji, “Yũ rotirisere tũorũnũbeama ĩna”, yibisijũ Dios maji. ¹⁴ Dios ĩ rotirise manijare, ñeñaro yiyijarã masa. Adán ĩ ñaratũajũ, ito yicõri Moisés ĩ ñarajũju cunĩ,

ito bajiroti bajicōyijũ. Ito bajiri goda jedicoayijarã ña ñarocōti. Ña ñeñaro yire, Adán ï Diore cūdibitire gaye bajiro meje yiyijarã ña. Adánti ñayijũ cajero ñeñarise yire gayere m̃uocōari masũ. Mani ï bero gãna jeyaro ñeñaro yirã riti ña. Manire ticōri, “Ñeñaro yirã riti ñama”, yiguñji Dios. Ito bajibojarocati Adán ï ñaja bero yoari sīgũ ï robo bajiro bajigũ meje quenarise riti yigũ ñayijũ. ï ñayijũ Jesucristo. ï ñayijũ cajero Dios rotirise cūdi jeogũ. Mani ñeñaro yirise waja ï waja yi ïsirena s̃uoriti, “Yũre waja ruyuriobeama. Ñe seti ma ñnare ïja”, yi tis̃uoyijũ Dios manire.

¹⁵ Adán ñeñaro ï yigore, ito yicōri Dios manire queno ï yigore rãca babo masia ma. Masare Dios ï ti mairise, iti ña b̃uto b̃usa quenarise. Adán sīgũ ñabojaguti ñeñaro ï yirajũna s̃uoriti masa jãjarã go-dayijarã. Dioama manire ti maicōri, Jesucristore cōañi manire ï goda ïsitoni. Jesús sīgũ ñabojaguti jãjarãre jeamejũ uaboanare masoyijũ ï. Ito yicōri Jesús ï sīgūti manire ti maicōri, waja senibicũ yiguñji ï. Ìama mani catitĩñaroca yigũ yiguñji. ¹⁶ Dios manire ï queno yigore ito yicōri Adán ï ñeñaro yigore rãca babo masia ma. Adán sīgũ ï ñabojarocati ñeñaro ï yis̃uore ticōri, “Masa jeyaro ñeñaro ña yirise waja tōbujarã yirãji ña”, yiyijũ Dios. Ito bajibojarocati, masare ti maicōri, Jesure cōañi Dios, masare ï goda ïsitoni. Ito bajiri ïre mani t̃uorũnuja, ñeñaro mani yirisere ãcabojogũ yiguñji Dios. Ito bajiri ñeñaro yirã mani ñabojarocati, “Queno yirã ñama. Ñe seti ma ñnare”, yigũ yiguñji Dios. ¹⁷ Adán sīgũ ñabojaguti, ï ñeñaro yijare, masa jeyaro godarã yirãji. Ito bajibojarocati Jesús manire ï goda ïsirena

sʰoriti mani ñeñaro yirisere ācabojoya yiguĩji Dios. Ito yicōri manire ti maicōri, “Quenarā ñama ña. Ũmacũjũ yũ Macũ Jesucristo rāca catitiñarā yirāji ña”, yigũ yiguĩji Dios.

¹⁸ Adán sīgũ ñabojaguti, ñeñaro ñi yijare masa jeyaro ña tōbujaroca yigũ yiguĩji Dios. Ito bajibojarocati Jesús sīgũ ñabojaguti queno ñi yijare, “Ñeñaro yũ yirisere itire ācabojoya Dios mũ”, yi masirāji masa jeyaro. Ito bajiro ña yi rucubwoja tucōri, “Quena ñama. Catitiñarā yirāji”, yigũ yiguĩji Dios. ¹⁹ Dios ñi rotiro bajiro cūdibisijũ Adán. Adán sīgũ ñabojaguti, ito bajiro ñi yija, jājarā masa ñeñaro yisʰoyijarā ñja. Ito bajibojarocati, Jesuama ñaro bajiroti cūdiyijũ Diore. Ito bajiro ñi yija jājarā masa ñeñaro ña yirise Dios ñi cōa ĩsigoana ñama ñja. Ito bajiri, “Queno yirā ñama”, yicōri ñare boca āmigũ yiguĩji Dios.

²⁰ Dios ñi rotirise jidicāñi Moisésre, “Ñeñaro yirā ña gũ”, mani yi tūoĩa jeditoni. Ñeñaro mani yibojarocati, “Dioama buto busa manire ti maiguĩji”, yi tūoĩa mani ñja. ²¹ Mani ñarocōreti ñeñaro mani yirise waja seti ña. Ito bajiri ñarocōti godarā yirāji mani ñja. Ito bajibojarocati Dioama manire ti maiguĩji. Dios manire ti maicōri, Jesucristo mani Ũjũre cōañi, ñeñarise jeyaro ñi quenotoni. Ito bajiri Dios manire ti maicōri, “Queno yirā ñama ña”, yicōri, manire boca āmigũ yiguĩji. Ito bajiri catitiñarā yirāji mani ñja.

6

Ñeñarise jidicāna ñari Cristona sʰoriti catitiñarā yirāji mani, yire gaye

1 Itire masicõri, ¿ñere yirujá, yi tũoĩati mũa adocãta? ¿Ñeñaro yirejũare yitĩñarujati manire, Dios ã mairise bũto bũa manire ã ĩotoni? 2 Ñena sũori yimenaji mani. Ñeñarisere jidicãgoana ña mani. Ito bajiri mani Cristo ñarã ñabojarãti, ¿ñeñarise yi uyarájida mani? Meje ñeñarise yi uyamenaji mani. 3 ¿Idé gure gayere tũo masiati mũa? Idé gu roticũ mani, “Cristo ñarã ñama”, gãjerã ĩna yi ti masitoni. Riti ã ñarã ña mani ĩja. Ito bajiri Cristo ã godacãre ñajare, ã robo bajiroti godacãna ña mani cũni. 4 Mani idé gucatijũ, Cristo rãca yuje cũado bajiro bajicũ mani. Cristo ã godaja bero mũcana tũdi ã catiroca yiyijũ mani Jacũ Dios ã masirisena. Mani ñeñaro yirise jidicãtoni ito bajiro yiyijũ Dios. Ito yicõri quenarise mani yitoni, ã masirisena manire ejabũagũ yiguĩji Dios.

5 Cristo ñarã mani ñaja, ã godarajũ ã robo bajiro godana ña mani cũni. Ito yicõri ã ñarã mani ñaja, mũcana tũdi ã catiado bajiroti, mani cũni tũdi caticõri ã rãca catitĩñarã yirãji. 6 Cristo yucatẽojũ ã godado bajiroti, mani ñeñaro yi ãmorise goday-ija. Ito bajiri ñeñaro yi ãmorã meje ña mani ĩja. Ñeñaro mani yi ãmorisere jidicã masia mani. Ito bajiri ñeñarise yi uyamenaji mani ĩja. 7 Masa godarã, ñeñaro ĩna yibeto bajiro mani cũni ñeñaro yi uyamenaji. 8 Ñeñarise jidicãgoana mani ñaja, Cristo rãca godacãna robo bajiro bajia mani. Ito bajiri, “Ĭ tũdi catiado bajiroti, mani cũni tũdi catirã yirãji”, ya mani. 9 “Godabojagũti mũcana tũdi ã catiroca yiyijũ Dios Cristore. Mũcana tũdi jũaji godabiquĩji Cristo”, yi tũoĩa mani. Mũcana tũdi jũaji godare manojã ĩre. 10 Cristo cojiti godaĩni,

mani ñeñaro yirisere cōagũ. Mucana tũdi caticõri, Dios ï ãmoro bajiro yi ñagũ ñami ï ïja. ¹¹ Ito bajiro tũoĩarũja manire cunĩ. “Yũ ñeñaro yirisere jidicãcõri tũdi itire yi uyabicũja yũ mucana. Cristo yagũ ñacõri, Dios ï ãmoro bajiro yi ñagũ yigũja yũ”, yirũja manire.

¹² Ñatĩñaroti meje ña mani ya ruju. Ito bajiri mũa ya ruju ñeñaro iti tũoĩaro bajiroti ñeñaro yi uyabesa. Buto ñeñarise yiroto ãmobarocati ñemecutirũja manire. ¹³ Mũa ya ruju ñeñaro iti tũoĩaro bajiroti ñeñaro yibitirũja mũaare. Mũa ña, jeame ãjũrojũ mũa wabore ñaroca Jesús ï masogoana. Ito bajiri Dios ï ãmoro bajiro riti mũa ya rujuña quenarise riti mũa yitĩñaja quena. ¹⁴ Ìre cãdirã mani ñaja, ñeñarise yire gaye ãmobeto yiroja manire. “Dios ï rotirisere yũ cãdibeja, jeameju yũre cōagũ yiguĩji”, yi tũoĩa gũirã meje ña mani. “Jesure yũ tũorũnũja, yũre ti maicõri, yũre masogũ yiguĩji Dios”, yi tũoĩa wanũrã ña mani.

Ñeñarise riti mani yi uyaja mani Hju robo bajirise ña, yire gaye

¹⁵ “Dios ï rotirisere yũ cãdibeja, jeame ãjũrojũ yũre cōagũ yiguĩji ï”, yi tũoĩa gũicõri, ñeñarise yibitirũja manire. “Yũre ti maicõri, yũre masogũ yiguĩji Dios”, yi tũoĩarã ñari, Dios ï ãmoro bajiro riti cãdirũja manire. ¹⁶ Gãjire mũa tũorũnũja, ï ñaguĩji mũa ujũ. Ito yicõri ïre moa ïsiri masa ñarãji mũa. Ito bajiro ñeñarise riti mũa yi uyaja, mũa ujũ robo bajiro tujaroja ñeñarise ïja. Ito bajiro ñeñarise mũa yija, ñeñarisere jidicã masimenaji mũa. Ito bajiro mũa yija, jeame ãjũrojũ warã yirãji mũa. Ito bajibobarocati, Diore mũa tũorũnũja, “Queno

yirã ñama. Seti ma ñnare”, yigu yiguñi Dios. Itire masirãji mua. ¹⁷ Iti rumuñu, ñeñarise mua yija, mua uñu robo bajiro bajiyija ñeñarise. Ito bajiri ñeñarise yi uyayija mua maji. Adocâtama Dios ocare riasoticõri itire cudia mua. Ito bajiri ñe rucuborã ña mua ñja. Iti masicõri, “Queno ya Dios mu”, ya yu ñe. ¹⁸ Ñeñaro yire gaye cudirã meje ña mua ñja. Diore cudirã ñari quenarise riti yi amorã ña mua ñja. ¹⁹ Queno cõia gotire rãca muare goticu yu, queno mua tuo masitoni. Iti rumuñu buto ñeñarise yirã ñayija mua maji. Adocâtama quenarise riti mua yi ñaja quena. Quenarise riti mua yija, Dios ñ amorise yirã yirãji mua.

²⁰ Iti rumuñu ñeñarise riti yirã ñari quenarise ere yibisija mua maji. Dios ñ amoru bajiro yirã meje ñayija mua maji. ²¹ Itijumu, ñeñarise mua yirajumu, ñeoni quenarise bujacati mua? Bujabisija mua. Adocâta, iti rumuñu ñeñarise mua yigore, mua tuoñaja, bojoriseti bajia ñja. No ñeñarise riti yirã, ña godaja bero jeame ujuroju warã yirãji ña. ²² Mua adocâta ñeñarisere cudirã meje ña mua ñja. Ñeñarise jidicãcõri Diore cudirã ña mua ñja. Dios ñ amoru bajiro riti ñe cudirã ñari, buto busa ñe cudi amorã yirãji mua. Ito bajiro mani yija, ñ rãca riti ñatĩñarã yirãji mani. ²³ Mani ñeñaro yirise waja, waja yirã bajiro godarã yirãji mani. Ito bajiri seti cutirã ñari Dios tu queno eja masimenaji mani. Jesucristo mani Ujure mani tuorũñajama, ñe waja manoti catitĩñare gaye ñsigũ yiguñi Dios manire.

7

Romio manujũ cutigo, iso manujũ rãca riti ñaja

quena, yire gaye

¹ Yũ ñarã, mũa ña rotire gaye masirã. Mani catirocõ rotire gaye cudiãona ña mani. Mani godaja berojũama, no yicõri itire cudi masia manoja manire. ² Rotire gaye ado robojũa gotia manire: Romio manũju cutigo, iso manũju rãca riti ñaja quena, i catirocõ. Iso manũju godaja bero, rotire gaye cudibeco meje yamo iso, gãjire iso manũju cutija. ³ Iso manũju i catibojarocati, gãji rãca iso ñaja, manũju cutibojagoti ajeri maso ñamo isoõcõ. Ito bajibojarocati iso manũju godaja bero gãji rãca iso manũju cutija, Dios rotirise cudibeco meje yamo iso. Ito bajiro yigo manũju godagoro ñari ajegoõcõ meje ñamo iso.

⁴ Ito bajiroti yũ ñarã Cristo ñarã ña mani ija. Iti rãmũ Cristo i godaroto riojũa mani ujũ robo bajirise ñayijũ rotire gaye maji. Adocãtama Jesucristo manire i goda isirajũna suoriti mani ujũ robo bajirise meje ña ija. Cristo ijuã ñami mani Ujũ ñasagu. Ito yicõri i ñarã ña mani. Cristo i godaja bero i tũdi catiroca yiñi Dios. Ito bajiro yiñi Dios ire mani queno moa isi masitoni.

⁵ Jesure mani masiroto riojũajũ, mani amoriseti yicũ mani maji. Dios i rotirise masibojarãti itire cudi amobiticũ mani. Ito bajiri mani ya rujũ ñeñaro iti tũõlaro bajiroti ñeñaro yicũ mani maji. Dios i rotirisere cudi mena ñari, bũto bũsa ñeñarise yicũ mani. Ito bajiri jeame ejũroju warona ñacũ mani maji. ⁶ Adocãtama, “Dios i rotirisere yũ cudibeja, jeameju yũre cõagũ yiguĩji i”, yi tũõla güirã meje ña mani. Cristore bũto tũorãnuãa mani adocãta. “Cristore yũ tũorãnuja yũre masogũ yiguĩji Dios”, yi tũõlarã ña mani ija. Espiritu Santo mani ya

usijũ ñagũ, ñeñarise yire jidicãroca yami. Ito yicõri, quenarisejũa wasoaroca yami ñ.

Manireti ña ñeñarise, yire gaye

⁷ Dios ñ rotirise, ¿no bajiro yirã yati mani? “Ñ rotirise ñeñarise ña”, ¿yirũjati mani? Meje yibitirũja manire. Dios ñ rotirise manire gotia, “Iti ña ñeñaro yire gaye”, mani yi masitoni. Dios rotirise iti manija, “Iti ña ñeñaro yire gaye”, yi masibitiboana mani. Adi gaye tũoĩate mũa: “Gãji ya gajeonireti mũbesa”, yi gotia Dios rotirise. Ito bajiro ñ yibeja, “Gãji ya gajeoni ãmotire ñeñarise ñaroja”, yi masibitiborũja yũ. ⁸ Ito bajiri iti rotirise masicõri, ñeñaro yigũ ñari bũto bũsa gãji ya gajeoni ãmoticu yũ. Iti rotire masibiticõri bũto gãji ya gajeoni ãmotibiticũ yũ maji. ⁹ Dios ñ rotirise yũ masiroto riojũa maji, “Bũto queno yigũ ña yũ”, yi tũoĩabojacũ yũ maji. Dios ñ rotirisere masigũ ñabojaguti, bũto bũsa ñeñarise yi ãmocũ yũ maji. “Ñeñaro yigũ ña yũ. Ito bajiri jeame ãjũroju wacũ yigũja yũ”, yi masibojacũ yũ, yi masirea. Ito bajiri bũto bojori bũja ñacũ yũ. ¹⁰ Ñ rotirise cũñi Dios, masa ñna queno ñatoni. Yũama Dios ñ rotirise masicõri, bũto bojori bũja ñacũ. Ñeñarise yicõri, “Jeame ãjũroju wacũ yigũja yũ”, yi tũoĩacũ yũ. ¹¹ Yũ ñeñaro yirise tũoĩacõri, bũto ñeñaro yi ãmocũ yũ. Yũ ñeñaro tũoĩarise yũre rũoyija. Dios ñ rotirisere cadi ãmobiticũ yũ. Iti rotirise masicõri, “Jeame ãjũroju wacũ yigũja yũ”, yi masibojacũ yũ. Ito bajiri bũto bojori bũja ñacũ yũ.

¹² Iti rũmũ maji ito bajiro tũoĩabojacũ yũ. Adi rũmari ado bajiro ya yũ ñja. Jeyaro Dios ñ gotirise quenarise ña. Ito bajiri Dios ñ rotirise riojo gotirise

ñaroja, ito yicōri quenarise. ¹³ Adi rotirise quenarise ñabojaroti, ¿mani jeame ñjuroja waroca yirojada? Meje ito bajiro meje baja. Mani ñeñaro yire, mani jeame ñjuroja waroca yiroja. Dios ñ rotirise mani masija bero, ñeñaro mani yirise, “Ñeñaro ya yu”, yi tñōia mani. Ñeñaro yire masicōri, “Jeame ñjuroja wacu yiguja yu, ñeñaro yigu ñari”, yi tñōia masia mani. Ito yija Dios rotirise masibojarāti, itire mani cūdibeja, iti ña bato busa ñeñarise.

¹⁴ Mani masia, Espiritu Santona sūoriti ñ rotirise cūñi Dios Moisés ñayore. Manire Espiritu Santo ñ ejababaja, Dios ñ rotirisere cūdi masimenaji mani. Yu masia, ñeñaro yigu ña yu. Ito bajiri ñeñaro yitiña yu. ¹⁵ ¿No yija, ito bajiro yiguja yayua yu? Masibea yu itire. Queno yu yi ñmobjarise gaye yibea yu. Ñeñaro yu yi ñmobitibojarejare itijare ya yu. Masibea yu. ¿No yija itire yiguja yayua yu? ¹⁶ Ito yija ñeñaro yi ñmobitibojaguti, ñeñaro ya yu. Ito bajiro yu yija, “Dios ñ rotirise quenarise ña”, yi tñōia yu. ¹⁷ Ito bajiri adocāta, ñeñaro yu yirise yumasime je ya. Ñeñaro tñōiare yure ñacōri, iti ña ñeñaro yiroca yure yirise. ¹⁸ Yu masia, yu tñōiarise quenarise ma yure. Quenarise yu yi ñmobjarocati, quenarise yire ma yure. ¹⁹ Quenaro yu yi ñmorisere, itire yibea yu. Ito bajibojarocati ñeñarise riti ya yu, yu ñmobitire. ²⁰ Ito yija ñeñaro yu yi ñmobitire yu yija, yumasime je ya. Ñeñaro yire gaye yure ñacōri iti ña ñeñaro yiroca yure yirise.

²¹ Ito bajiro riti bajisotia yure. Quenarise yu yi ñmobjaja, no masia ma yure, ñeñarise yureja ñacōri.

²² Yu ya usinama rujeguti Diore cūdi ñmobja yu.

²³ “Queno yu yi ñmoja, ñeñarise yure ñacōri, queno

canamubea iti”, yi tũoĩa yũ. Yũ ya usinama Diore cudi ãmoboja yũ. Ito bajibojarocati yũ ya rujati ñeñaro ya yũre. Ito bajiri ñeñarise jidicã masibea yũ.

²⁴ Bujatoguti bajicõa yũ. Yũ ya rujuna ñeñaro yũ yirise waja jeame ãjũrojũ wacũ yigũja yũ. ¿Ñimũjua yũre masogũ yiguĩjida? ²⁵ Ado robojua baja. Mani Ujũ Jesucristo yũre masocãñi. Yũre yiari Jesucristore cõañi Dios. Ito bajiri, “Queno ya mũ”, ya yũ ãre. Yũ ya usi ñarocõnati ruje Diore cudi ãmoa yũ. Ito bajibojarocati ñeñaro tũoĩare yũre ñacõri, iti ña ñeñaro yiroca yũre yirise. Queno yiñi Dios. Ñeñaro yũ yibititoni Jesucristore cõañi ã.

8

Espíritu Santore mani cudiya Dios ñarã ñarã yirãji mani, yire gaye

¹ Cristo ñarã mani ñaja, ito yicõri ã rãca sīgũre bajiro mani usi cutija, manire waja senibicũ yiguĩji Dios. Cristo ñarã ñari mani ya rujũ ñeñaro iti tũoĩaro bajiroti yi ãmomenaji. Ito yicõri Espiritu Santo ã rotiro bajirojua yisotirãji mani. ² Mani ñeñaro yirise ñaroja mani godaroca yirise. Ito bajibojarocati Jesucristore mani tũorũnũja, Espiritu Santo mani catitĩñaroca yigũ yiguĩji. Cristo yagũ yũ ñajare, Espiritu Santo yũre ejabũagu yiguĩji, ñeñaro yũ yibititoni. Ito yicõri jeame ãjũrojũ yũ wabore ñaroca yũre masocãñi. ³ Dios rotirise ñarocõti cudi jeo masia ma manire. Ito bajiri, “Dios ã rotirisere yũ cũdire waja, yũre masogũ yiguĩji”, yi masibea mani. Ado bajirojua baja. Dios ã Macũgorore adi macãrucũrojũ cõañi. Mani ñeñaro yiri rujũ bajiro

rujɤ cutiñi. Mani robo rujɤ cutibojaguti ñeñarise yibisĩ ĩ. ĩ ya rujɤna ñeñaro yĩlabicɤ ñari, mani ñeñaro yirisere ñarocōti waja yi jeoñi ĩ. Ito bajiri, “Ĩ ejabuarisena, ñeñaro yibicɤja yɤ”, yi masirāji mani. ⁴ Ito bajiro manire goda ĩsiñi ĩ, Dios rotirise bajiro quenarise mani yitoni. Adocāta ñeñaro mani tuoñarise rāca ñamenaji mani. Espiritu Santo ĩ āmoro bajiro yirāji mani.

⁵ Ñeñaro tuoñacōri ĩna ñeñaro yirotire tuoñasotirā yirāji ĩna. Espiritu Santo ĩ āmoro bajiro yirāma, ĩ āmoro bajiro riti yirona tuoñasotirā yirāji ĩna. ⁶ ĩna ya rujɤ ñeñaro iti tuoñaro bajiroti tuoñasotirā, ĩna godaja bero jeame ũjurojɤ warā yirāji ĩnaōna. Ito bajibojarocati, “Espiritu Santo ĩ āmoro bajiro yicɤja yɤ”, yirā, catitĩñarā yirāji. Ito yicōri ĩna ya usijɤ queno wanɤ quenarise rāca ñarā yirāji ĩna. ⁷ Ñeñaro yire tuoñarā, Diore tuo terāji ĩna. Dios rotirise cudi āmomenaji ĩna. Ito yicōri, no masia manoja ĩnare. ⁸ Ito bajiri, “Yɤ ñeñaro yirise riti yi wanɤ ñacɤja yɤ”, yirā, Dios ĩ āmoro bajiro yi masimenaji ĩnaōna.

⁹ Mani ya usijɤ Espiritu Santo ĩ ñaja, ĩ āmoro bajiroti yirā yirāji mani. Ito yicōri mani ñeñaro tuoñarise bajiro meje yirāji mani. Espiritu Santo ĩ ya usijɤ ñabeja Cristo yagɤ meje ñami ĩocũ. ¹⁰ Riti ña, mani ñeñaro yiri rujɤ godaro yiroja. Ito bajibojarocati Cristo mani ya usijɤ ĩ ñaja, catitĩñarā yirāji mani. “Quena ñama ĩna. Ñe seti ma ĩnare”, yi boca āmigũ yiguĩji Dios manire. Ito bajiri catitĩñarā yirāji mani. ¹¹ Espiritu Santona suoriti Cristo godarure mɤcana tɤdi ĩ catiroca yĩñi Dios. Mɤcana ĩti ñami mani ya rujɤ godarotire mɤcana tɤdi catiroca yirocɤ. Ito bajiro yigɤ yiguĩji ĩ manire. Espiritu

Santo mani ya ʉsijʉ ĩ ñaja, catitĩñare gaye ĩsigũ yiguĩji ĩ manire.

¹² Ito bajiri yʉ ñarã, jʉaji ñeñaro yi ʉyabitirʉja manire, iti rumʉ mani yicato bajiro. Espíritu Santo ĩ ãmoro bajirojʉa yirãji mani. ¹³ Ñeñaro mani tʉoĩarise mani yija, godarã jeame ʉjʉrojʉ warã yirãji mani. Ito bajibojarocati Espíritu Santona sʉoriti mani ñeñaro yirise mani jidicãja, catitĩñarã yirãji mani.

¹⁴ No Espíritu Santo ĩ rotiro bajiro yirã, Dios rĩa ñama ĩna. ¹⁵ Ado robojʉa baja. Espíritu Santo manire queo sãñi Dios. Ito bajiri moari masa ĩna ʉjʉre gũirã bajiro meje ña mani. Adocãta Dios rĩa ĩre queno cʉdirã ña mani. Ito bajiri, “Yʉ Jacʉ, Cʉna”, ya mani Diore. ¹⁶ Espíritu Santo mani masiroca yami, “Dios rĩa ña mani”, mani yitoni. ¹⁷ ĩ rĩati ñacõri, quenarise ĩ goticãre boca ãmirã yirãji mani. Cristo rãca boca ãmirã yirãji mani, Dios ĩ goticãre gaye. Cristo robo mani tõbʉjaja, ĩ rãcati mani wanʉ quenaroca yigʉ yiguĩji Dios manire.

Ija mani boca ãmiroti wanʉ quenare ñaro yiroja, yire gaye

¹⁸ Adi rumʉri ñeñaro mani tõbʉjaja, “¿No yicõri bʉjato tõbʉjati yʉ?” yi tʉoĩare ma. “Ñeñaro mani tõbʉjagore rẽtoro ñasarise ña ĩja ʉmacũjʉ mani wanʉ quenaroti gaye”, yi tʉoĩa yʉ. ¹⁹ Co rumʉ Dios ado bajiro yigʉ yiguĩji: “Ãna ñama yʉ rĩa yʉre queno cʉdirã”, yigʉ yiguĩji Dios. ĩ rujeore ñarocõti bʉto bocatia, ĩ ito bajiro yirotire. ²⁰ Dios cajero gaye, ĩ rujeore gaye bajiro meje baja adi rumʉri. Adi rumʉri jeyaro jogarise riti ña. Ito bajiro rẽtarotire

cũsuoŷijũ Dios, Adán ĩ ñeñaro yirajũna sũori. Ito bajiro riti bajitiña yibetoja. ²¹ Co rũmũ Dios ĩ rujeore ñarocõti quenogũ yiguĩji ĩ mũcana. Ito bajiri ĩ rĩa ñari mũcana tũdi jũaji ñeñaro yimenaji mani. Adi rũmũri jeyaro jogarise riti ña. Ija ĩ wasoari rũmũ mũcana tũdi jũaji jogabetoja iti. ²² Mani masia, adocãta Dios ĩ rujeore ñarocõti ñeñaro tũbũja iti. Romio iso macũ catiro robo bajiro ñeñaro tũbũja iti jeyaro. ²³ Mani cũni Jesure masirã, ñeñarise tũbũja. Ito bajiri Espĩritu Santo Dios manire queo sãre ñajare, “Ito bero jũaji ñeñarise tũbũja yibicũja ĩja yũ”, yi tũoĩa mani. Ito bajiri Dios mama ruju manire ĩ ĩsiroti rujure, yurã yirãji mani. Iti ruju jogabeto yiroja, ito yicõri ñeñarise tũbũjabeto yiroja. Ito bajiro ĩ yiri rũmũ, “Ãna ñama yũ rĩa”, yigu yiguĩji. ²⁴ Cristore mani tũorũnũrajũna sũoriti, manire masoñi Dios. Mani tũoĩa yurise rẽtagore meje ña. Rẽtare gaye tũoĩa yu masimenaji mani. Rẽtabiti gayereama tũoĩa yurã yirãji mani. ²⁵ Rẽtabiti gayere tũoĩa yurã, “Ito bajiro rẽtaro yiroja”, yi tũoĩa yucõri, ñe ʉsirioari meje, bocatirãji mani. Ito yicõri, ñe ʉsirioro meje mani bocatiroca ya iti.

²⁶ Ito bajiroti Espĩritu Santo manire ejabũami, mani queno masimena ñajare. Diore queno seni rũcũbũo masibea mani. Ito bajiri Espĩritu Santo manire yiari josa ĩsigũji Diore. “Diore yũ seni ãmobojarise queno goti masibea yũ”, yi mani tũoĩarise masicõri, manire yiari bũsi ĩsigũ yiguĩji ĩ Diore. ²⁷ Mani tũoĩarise tũo masi jeogu ñari, Espĩritu Santo gotirisere tũo masi jeogu yiguĩji Dios. Dios ãmoro bajiroti seni masicõri manire yiari Diore senigũ yiguĩji Espĩritu Santo. Ito bajiri Dios sũgũ tũo

masire gaye busi masigũ ñari manire yiari queno Diore busigũ yiguĩji Espíritu Santo.

Cristore tʰorũnũrã ñari ñeñarisere rêtocũrãji mani, yire gaye

²⁸ Riti Diore mani maija, “Ĩ ãmoro bajiro yũ yisotitoni yũre beseñi Dios”, yi tʰoĩa masia mani. “Jeyaro yũre rêtarise quenarise ña. Quenarise riti yũre rêtaroca yigũ ñami Dios”, yi tʰoĩa masia mani.

²⁹ Cajerojuti mani ñre tʰorũnũronare masiñi Dios. Manire beseñi ĩ, ĩ Macũ Jesucristo robo mani bajitoni. Ito bajiroti Dios rĩa ñarã, mani rĩjorũ ñami Jesús. ³⁰ Cajerojuti ĩ rĩa ñaronare manire beseñi Dios. Manire besecõri, “Queno yirã ñama ñna. Ñe seti ma ñnare”, yi boca ãmiñi Dios. Manire boca ãmicõri, ĩ Macũre ĩ yiado bajiro ñasarã mani ñaroca yigũ yiguĩji Dios manire.

³¹ Iti oca quenarisere tʰocõri, ¿no bajiro yirãti mani? Ado bajiro yirũja manire: “Dios manire ejabũagũ yiguĩji, ito yicõri manire jidicãbicũ yiguĩji. Ito bajiri no yibea gãjerã manire ñna ti teja”, yirũja manire. ³² ĩ Macũre maibojaguti, manire yiari goda ĩsi rotiñi Dios. Ito bajiri, “Riti ña. Ñe ruyabeto, jeyaro quenarise manire yi ĩsigũ yiguĩji Dios”, yi tʰoĩa masia mani. ³³ Dios manire boca ãmi wacũ, “Quenarã ñama ñna. Ñe seti ma ñnare”, yiñi Dios. Ito bajiro ĩ yija, noajũa gãjerã, “Seti ña ñnare”, yi masimenaji. ³⁴ Nijũa mami, “Ñna ñeñaro yirise waja, waja ruyurioama ñna”, yigũ. Mani ñeñaro yirise waja, waja yi jeoñi Jesús. Ito bajiri, “Ĩnare seti ña”, yibiquĩji Jesús. Mũcana caticõri, Dios ya riojocadũja rũcũbũorajũ ñaguĩji ĩ. Ito yicõri manire yiari

Diore busi ñsiguñji ñ. ³⁵ Manire buto maiguñji Cristo. Ito bajiri ñimujua manire ñ mairise jidicãroca yi masibiquñji. Mani yija, ñeñaro tõbujarã yirãji gajea. Mani yija, güirã yirãji gajea. Ñna yija, gãjerã manire usirioro yi coderã yirãji gajea. Mani yija, ñiojogarã yirãji gajea. Iti yija, sãñare ruyaro yiroja gajea, manire. Mani yija, guijorojua warã yirãji gajea. Ñna yija, gãjerã manire sjarã yirãji gajea. Iti jeyaro manire rëtabojarocati manire jidicãbicu yiguñji Jesús. Manire mai jidicãbicu yiguñji. ³⁶ Ado bajiro gotiyijua Dios oca goti ñsiri masu, ñ oca tuti uca wacu:

Mu ñarã gua ñajare, co ruma ruyabeto guare gãjerã sja amoama. Ovejare ñna sjarocu bajiro guare yama, yiyijua Dios oca goti ñsiri masu.

³⁷ Ñeñaro gua tõbujabojarocati, guare rëtocũmena yirãji gãjerã. Cristo manire maigũ ñ ejabujaja, jeyaro manire rëtarise ñemecuti sëorã yirãji mani. Cristore tuorũnucõri buto busa tuoña oca sëorã yirãji mani. ³⁸ Disejua Dios manire ñ mairise jidicãroca yibetoja. “Riti ñaroja iti”, yi tuoña yu itire. Disejua mani catibojaja, mani godabojaja cuni, Dios ñ mairise manire camotabetoja. Dios ñaro gãna cuni, rãmua cuni, umua ñasari masa cuni, Dios manire ñ mairise jidicãroca yi masimenaji. Adocãta rëtarise, ija rëtaroti cuni, Dios ñ mairise camotaroca yibetoja manire. ³⁹ Mani jubeju ñabojaja cuni, umacũju mani ñabojaja cuni, no mani ñaroti Dios ñ manire mairise jidicãroca yibetoja. Disejua Dios ñ rujeore manire ñ mairise camota masibetoja. “Cristo mani Uju manire ñ yi ñsirajuna suoriti buto maiami Dios manire”, yi tuoña mani.

9

Israel sita gãnare Dios ã besere gaye

¹ Yũ gotirise riti ña. Cristore tũorũnũgũ ñari ã yagũ ña yũ. Ito bajiri socabea yũ. “Espíritu Santo ã ejabũarisena riojo oca gotia yũ”, yĩ tũoĩa yũ. ² “Jesucristore tũorũnũ ãmobeama yũ ñarã”, yĩ tũoĩacõri bũto bojori bũja yũ. ³ Ñinare maigũ, jeame ãjũroju ãna ware ãmobeama yũ. Ñinare jeame ãjũroju Dios ã cõame yirocũ, yũjũare ã cõa ãmojama camotabitibogũja yũ. ⁴ Ñina ñama yũ ñarã, Israel ñayoru janerãbatia. Jane mejeju ñinare besebojayijũ Dios ñarã ãna ñatoni. Ñ masirise, ãoyijũ Dios ñinare. Ito yicõri ã rotirise cãni ñinare gotibojayijũ ã. “Ado bajiro yicõri yũre mũa rũcũbũore ãmoa yũ”, yiyijũ Dios yũ ñarã ñasũoanare. “Queno mũare yigũ yigũja yũ”, yĩari goti yucãyijũ Dios yũ ñarãre. ⁵ Yũ ñarã bũcũrã ñasũoana janerãbatia ñama ãna. Cristo cãni yũ ya butu gagũti rujeaĩ. Cristoti ñami Dios, masa ñarocõreti rotigũ. Coji ruyabeto ãre rũcũbũotĩñarũja manire. Ito bajiro riti bajitĩñajaro.

⁶ Yũ ñarã, judio masare, Dios oca quenarise ã gotibojarocati coriarãti ñama ãre bajiro tũoĩarã. “Judio masare Dios ã goticãdo bajiroti yibeami”, yĩ tũoĩabitirũja manire. Judio masa rujeabojarãti jeyaro Dios ñarã meje ñarãji ãna. ⁷ Abraham janerãbatia, ãna ñarocõti, ã janerãbatia goro meje ñama, Dios ã tija. Ado bajiro Abrahamre gotiĩni Dios: “Mũ macũ Isaac ã rĩa ãna ñarã yirãji mũ janerãbatia goro”, yiyijũ Dios Abraham ñayorũre. ⁸ Iti oca tũocõri, “Abraham janerãbatia riti rujearã, Dios rĩa ñama ãna, yireoni meje ña iti”, yĩ tũoĩa mani. Ado bajirojũa bajia: Dios ã goti cũrise tũorũnũrã, ãna

ñama mucana tãdi rujeana, ito yicõri Dios rĩa. Ito bajicõri Abraham janerãbatia goro bajiro bajiamã ãna ãja. ⁹ Ado bajiro goti yucãyijũ Dios Abrahamre: “Íjaca rodo adocõ tujarocati wadigũ yigũja yũ. Ito yicõri mũ manõjo Sara wame cutigo macũ rucogo yigõji iso”, yiyijũ Dios Abrahamre.

¹⁰ Adiacã riti meje ña. Ado bajiro bajia gaje. Ñna macũ Isaac jai tujacõri, Rebeca rãca manõjo cutiyijũ ã. Rĩa sũrũayijo iso. Ito bajibojarocati jacũama sīgũti ñayijũ. ¹¹⁻¹³ Iso rucoroto riojũ, ado bajiro gotiyijũ Dios isore: “Mũ macũ ñasũogũ ã ocabajire moa ãsiri masũ ñagũ yiguĩji ã”, yiyijũ Dios, Rebecare gotigũ. Jane mejejũ ito bajiroti gotiyijũ Dios ã oca tutina. Ado bajiro bajiyijũ: “Esaú rêto bũsaro maia yũ Jacobre”, yiyijũ Dios ã ocana ãna jũarã rujearoto riojũ. Quenarise, ñeñarise cunĩ ãna yibetojũ, gotiyijũ Dios itire maji. Ito bajiri, “Dios ã tũõaro bajiro beseami masare. Ñna yigorena sũori meje beseguĩji Dios. ã ãmoro bajiroti beseguĩji”, yi tũõa manĩ.

¹⁴ “Gãjerãre bese, gãjerãre besebiti ã yija, ñeñaro yami Dios”, yi tũõabojama coriarã. Ito bajirojũ meje bajia. ¹⁵ Dios sīgũti bese masiguĩji ã. Ito bajiri ado bajiro yiyijũ Dios, Moisés ñayorũre: “Yũ ãmorãrecõti ãnare ti maigũ yigũja yũ”, yiyijũ Dios Moisés ñayorũre. ¹⁶ Dios queno yami masare. ã ti mairo roboti yami. Masa ãna queno yire ãmoja meje, ito yicõri bũto ãna moaja meje, ã ti mairo bajiro queno yami Dios masare. ¹⁷ Ucara tutina ado bajiro yiyijũ Dios Egipto gagũ ujũre: “Ujũ mũre cũcũ yũ, mũna sũoriti yũ masirise masare ãorocũ. Ito bajiro yicũ yũ masa jeyaro yũ gayere ãna tũo

jeditoni”, yiyijɔ Dios, Egipto gagɔ ɔjɔre. ¹⁸ Iti tɔocɔri, “Ĩ ti mairãre riti ti maiguĩji Dios. Ito yicɔri, ‘Yɔre cɔdibicɔre ĩre cɔdibitiroca yigɔ yigɔja yɔ’, yicɔri, ĩ ãmoro bajiro yigɔ yiguĩji Dios”, yi tɔoĩa mani.

¹⁹ Ito bajiro bajija tɔocɔri, “¿No yija, ‘Mɔare seti ña’, yigɔ yiguĩjida Dios manire?” yirãji mɔa coriarã. “ ‘Dios ĩ ãmoro bajiro yibicɔja yɔ’, yi masigũ mami”, yirãji mɔa. Ito bajiro yɔre mɔa busija, ado bajiro mɔare cɔdicɔja yɔ: ²⁰ Ito bajiro busibitirɔja mɔare. “Dios ĩ yire quenabea”, yiado ma mɔare. Riri sotɔ, “¿No yija yɔre ito bajiro yɔre meniri mɔ?” yibetoja iti sotɔ menirore. ²¹ Riri sotɔ meniri maso iso ãmoro bajiroti menigõji. Iti ririnati quenari sotɔ iso meni ãmoja, menigõji. Itinati ejori iso meni ãmoja rocati busa bajiro menigõji iso ãmoro bajiroti.

²² Iso yiado bajiroti ĩ ãmoro bajiro yigɔ yiguĩji Dios cɔni. ĩ masirise ĩo ãmobjaguti ito yicɔri masa ĩna tɔbɔjaroca yi ãmobjaguti, itire yibisijɔ Dios. Ado robojɔa baja. “Ĩnare ruyuriorɔja yɔre”, yibojaguti, ñeñaro ĩna tɔbɔjaroca yi ɔsiribisijɔ Dios. ²³ Ito bajiro yiĩni Dios, mani ĩ ti mairãre, “Ĩti ñami rɔtoro masigũ”, mani yi tɔoĩatoni. Cajeroguti manire ti maicɔri beseñi Dios, ĩ masirise manire ĩsirocɔ. ²⁴ Mani ĩre tɔorɔnɔtoni, manire beseñi Dios. Mani coriarã judio masa ña. Gãjerã judio masa meje ñama. Ito bajibojarocati mani ñarocɔreti beseñi Dios. ²⁵ Ado bajiro baja Dios ĩ yire, Oseas ñayorɔ ĩ ucare jane mejejɔ gaye:

Yɔ ñarã mejere cɔni, “Yɔ ñarã ña mɔa”, yigɔ yigɔja yɔ. “Cajero mɔare ti maibiticɔ yɔ. Adocãta

m̃are ti maia ỹ”, yig̃u yig̃uja ỹ.

26 “Ỹ r̃ia meje ñama”, Dios ĩ yiadoj̃u, ĩnati Dios r̃ia ñarã yirãji. Dios catitĩñagũ r̃ia ñarã yirãji. Ito bajiro ucayoñi Oseas jane mejej̃u.

27 Isaíasj̃ua, ado bajiro busiyoyij̃u, Israel sita g̃anare t̃uoĩa yug̃u: “Israel g̃ana j̃ajarã busa buj̃uama. Jai r̃etocũcõri, ja sitacõ j̃ajarã ñama ĩna. J̃ajarã ĩna ñabobarocati coriarãreti masogũ yiguĩji Dios.

28 Dios ĩ goticãdo bajiroti yig̃u yiguĩji. J̃ajarã adi mac̃aruc̃aro g̃ana masa, ĩna ñeñaro yirise waja, ĩnare waja senigũ yiguĩji Dios. Ito yicõri cojisiti ĩnare ruyuriog̃u yiguĩji”, yĩ ucañi Isaías. 29 Ito yicõri, ucaguti ado bajiro yiyij̃u Isaías:

Dios masa jeyaro ũj̃u ñagũ, mani r̃ia s̃igũre ĩ masobeto bajija, mani judio masa jeyaro mani-boana mani. Dios Sodoma, Gomorra g̃anare ĩ ruyurioado bajiro, manire yibor̃u, manire s̃igũ ĩ masobeto bajija. Ito bajiro yiari ucañi Isaías.

Cristo ocare judio masa ĩna t̃uo ãmobitire gaye

30 Riti ña. Itire t̃uocõri ado bajiro yĩ t̃uoĩa masia mani: “¿No bajiro yirujati guare, Dios riojo, ‘Quena ña m̃ua’, ĩ yitoni?” yĩ t̃uoĩabisijarã judio masa meje ñarã. Ito bajibobarocati, “Queno yirã ñama. Ñe seti ma ĩnare”, yig̃u yiguĩji Dios, Cristore ĩna t̃uorũñuja, yĩ t̃uoĩa masia mani. 31 Ỹu ñarã, judio masama ado bajiro yĩ t̃uoĩabojayijarã: “Queno g̃ua yija, ‘Queno yirã ñama’, yig̃u yiguĩji Dios guare”, yĩ t̃uoĩabojayijarã ĩna. Dios ĩ rotirise ñarocõti, ĩna c̃udibejare, “Queno yirã ñama ĩna”, yĩ masibisij̃u Dios. 32 Ado bajiro baja. Judio masa Diore t̃uorũñurã meje ñayijarã. “Quenaro

gua yirise ticōri, ‘Queno yirã ñama ñna’, yigu yiguñji Dios”, yi tuoñabojayijarã ñna. Cristore boca ãmimena ñari, masa ñna camota cūado bajiro Dios tã eja masibisijarã ñna. Cristore ñna boca ãmi ãmobeja, gūtagã camotado bajiro bajiami ñ. ³³ Itire ñ oca tutina ado bajiro bñsiami Dios:

Siñ wame cutiri cutojñ Cristore cūa yñ. Gūtagã camotado bajiro bajigu Cristore cūa yñ. Ñre ñna tñorñnubeja camotagñ yiguñji ñ. Ito bajiri yñ tã eja masimena yirãji ñna. No Cristore tñorñnugūti bojori bñjabicñ yiguñji. Wanñ quenagñ yiguñji ñ. Ito bajiroti gotiyijñ ñ oca tutina, jane mejejuti.

10

¹ Tñoya, Jesure tñorñnũrã mñ. Gãjerã yñ ñarã, Dios jeame ñjũroñ ñ cōabore, ñ masoja, bũto itire wanñ quenagñja yñ. Iti ñna Diore yñ seni tuoñarise. ² Yñ ñarã, Israel gãna, Dios ñ ãmorise ñna tuoñarisena bũto yi ãmobjama ñna. Ito bajibojarocati, “Iti ñna ñ ãmorise”, yi tuoña masibeamã ñna. ³ “Cristo manĩ ñeñaro yirise waja yicãñi. Ito bajiri Dios ñ tija, seti ma manire”, yi tuoñabeamã ñna. “Ñ rotirise gua cñdija, ‘Queno yirã ñama ñna’, yigñ yiguñji Dios”, yi tuoñabojama ñna. Ito bajibojarocati Dios ñ ãmoro bajiro yibeamã ñna. Ito yicōri Diore queno tñorñnubeamã ñna. Ito bajiri, “Queno yirã ñama ñna”, yibiquñji Dios. ⁴ Cristo ñ ejaja bero, ñna sũoriti manire masogñ yiguñji Dios. Adi ramñri, no Cristore tñorñnugūti, “Ñ ñami queno yigñ. Seti macñ ñami”, yiguñji Dios. Cristo ñ goda ñsirajũna sũoriti manire masoguñji Dios. Ito bajiri, “Dios rotirise

mani cʉdirajuna sʉoriti manire masogũ yiguĩji”, yire ma ĩja.

⁵ Moisés ñayoru jane mejeju ado bajiro busiyiju: “No Dios rotirise ñarocōti cʉdigu catitĩñare bujagu yiguĩji”, yi ucayiju Moisés ñayoru. ⁶ Ito bajibojaro-cati, sīgũjuu mami Dios rotirisere ñarocōti cʉdigu. Cristore masa ĩna tʉorũnuja ticōri, “Queno yirã ñama ĩna. Seti ma ĩnare”, yigu yiguĩji Dios. Iti ocare ado bajiro gotia manire, Dios oca: “¿Ñimu ũmacũju tigu ejayijari? ‘Itoju gagu wadiru ñami Cristo’, yi masiana”, yirona. Ito bajiro tʉoĩabitiruja muare. ⁷ “¿Ñimu godana taju ejaruɗa Cristo ĩ tujaja tirocu?” yi tʉoĩabiticōruja muare. ⁸ Dios oca ado bajiro gotia: “Dios riasore gaye ñacã muare. Ito bajiri iti riasore gaye masicã muu. ĩ riasore gayere busiyija muu”, yi gotia Dios oca. “Cristore masa tʉorũnuu ʉmoguĩji Dios”, yire gaye ña iti oca. Ito bajiro masare riasoa guu iti oca. ⁹ “Jesús ĩ godaja bero muɗana tʉɗi ĩ catiroca yiñi Dios”, mani yi tʉoĩaja, ito yicōri “Jesús ñami yu ʉju”, mani yija, jeame ʉjuɗoju mani wabore ñaroca manire masoguĩji Dios. ¹⁰ Cristore mani tʉorũnuja ticōri, “Queno yirã ñama ĩna. ĩnare seti ma”, yigu yiguĩji Dios. Ito yicōri, “Jesure tʉorũnugũ ña yu”, yi gãjerãre mani goti rētoɓuja, riti Dios ĩ masoana ñarã yirãji mani ĩja.

¹¹ Ado bajiro gotia Dios oca tuti: “No ĩre tʉorũnuã, ‘Bujato bajia yure’, yirã mama”, yi gotia Dios oca. ¹² Dios ĩ tija judio masa, judio masa mejere cʉni, coro bajiroti tiguĩji ĩ. Mani ʉju ñami ĩ, ito yicōri jeyaro ʉju. No ĩre senigũre queno yigu yiguĩji Dios. ¹³ Dios oca tuti ado bajiro gotia: “No

Jesure, ‘Y_u U_{ju} ña m_u. Y_u ñeñaro yirisere ãcabojoya. Jeame ãjuroj_u y_u wabore ñaroca y_ure masoña’, yirã masoana ñarã yirãji”, y_i gotia Dios oca. ¹⁴ Cristore ñna t_uorũn_ubeja, ñre seni masimenaji ñna. Ito yicõri Cristo gayere ñna t_uobeja, ñre t_uorũn_u masimenaji ñna. Sīgũ ñnare Cristo oca riasobeja, masimena yirãji ñna. ¹⁵ Ñ oca gotirona mani cõabeja, ñ oca riasorã manaji. Ado bajiro gotia Dios oca: “Dios oca quenarise riasorã, no ñna gotiroj_u masa ñna t_uoja, wan_u quenarã yirãji ñna”. Ito bajiro ucare ñayija jane mejej_uti.

¹⁶ Masa jãjarã oca quenarise t_uobojarãti itire t_uorũn_ubeama ñna. Jane mejej_u Isaías ñ ucado bajiroti baja: “Y_u U_{ju}, coriarãti ñama m_u ocare t_uorũn_urã”, yiyij_u Isaías Diore gotig_u. ¹⁷ Cristo oca quenarise ñna t_uobeja, itire t_uorũn_umenaji ñna. Cristo ocaj_uare t_uos_uor_uja, ñna t_uorũn_uroto rioj_ua.

¹⁸ Adire m_uare senĩagũ ya y_u: ¿Israel sita gãna Dios oca t_uobitianada? T_uobojana t_uorea. Dios oca tuti ado bajiro gotia:

Dios oca gotiri masa, masa jeyarore goti jeoñi. Ito yicõri ñna oca coj_u r_uyabeto, t_uore ña.

¹⁹ M_ucana m_uare jabeto seniña t_uog_u ya y_u. ¿Dios oca t_uobojarãti, queno t_uo masibisijari Israel sita gãna? T_uo masibisijarã ñna. Moisés ñayor_u ñti ñami cajero iti oca gayere ucas_uor_u. Dios ñ gotiro bajiroti ucayij_u ñ. Israel sita gãnare Dios ñ t_uoñare gaye gotig_u ado bajiro ucayij_u Moisés ñayor_u:

“ ‘T_uo rēto**b**ubeama ñna’, m_ua yirãre, ‘Y_u ñarã ña m_ua’, yig_u yig_uja y_u ñnare. Ito bajiro y_u yija, b_uto rorã yirãji m_ua. Ito yicõri b_uto

junisinirã yirãji mũa”, yiyijũ Dios, yi ucayijũ Moisés ñayorũ.

20 Moisés ã ucaja bero bũto oca sãocõri, ucayijũ Isaías. Dios ã yiro bajiroti ucayijũ ã cũi:

“Yũre ãmabitibojanajũa yũre bũjama. Ito yicõri yũre masi ãmomenajũare, yũre ãna masiroca yicũ yũ”, yiyijũ Dios judio masa meje ñarãre cũi tũoĩagũ, yi ucayijũ Isaías ñayorũ.

21 Israel sita gãna ãna bajirisejũa, Dios ã gotirisere ucayijũ Isaías: “Co rũa rũyabeto ãnare jisotibojayũ, ãna ñeñaro yirisere ãna jidicãtoni. Ito bajibojaro-cati yiro robo cũdirã meje ñama ãna. Ito yicõri yũre ti terã, tudiamã ãna”, yiyijũ Dios, yi ucayijũ Isaías ñayorũ.

11

Coriarã Israel sita gãnare Dios ã masore gaye

1 “Dios ñarã Israel sita gãna ãnare jidicãcõrũ”, yire ħtũoĩati mũa? Meje ãnare jidicãbeami. Israel sita gagũti ña yũ cũi. Ito bajiri yũ ñicũ ñasũorũti ñami Abraham ñayorũ. Ito yicõri Benjamín ya butu gagũti ña yũ. Ito yicõri Benjamín janerãbatia janamiti ña yũ. 2 Jane mejejũ gũa Israel gãnare beseñi Dios, ã ñarã ãna ñatoni. Ito yicõri gũare jidicãbeami ã. Dios oca tutijũ Elías ñayorũ ã oca gayere tiyija mũa. Dios rãca bũsigũ, “Israel gãnare seti ña”, yire gaye yiyijũ Elías ñayorũ. Tite. Ado bajiro yiyijũ ã, Diore bũsigũ: 3 “Yũ Ƴjũ, mũre goti ãsiri masare sãayjarã Israel sita gãna. Mũre rũcũbũorã ãna soe ãisotira casabo cũi ruyurioñi ãna. Ito yirã ñari, yũre cũi sĩa ãmocã ãna. Yũ sĩgũti mũa oca gotiri masũ catia maji”, yiyijũ Elías Diore. 4 Ito bajiro

ĩ yija tʉocõri, ado bajiro cʉdiyijʉ Dios: “Mʉ sīgũ meje ña. Siete mil ñarã masa ñama maji yʉre rʉcʉbʉorã. Gãjerã ña meni rujeorʉ Baal wame cʉtigʉre ñini rũjũ rʉcʉbʉo yibiticã ña”, yiyijʉ Dios Elías ñayorʉre. ⁵ Elías ĩ ñaratũa, Dios ĩ beseado bajiroti adocãta cʉni Israel gãna coriarãre beseguĩji Dios, ĩ ñarã ña ñatoni. Ñare ti maicõri ñare beseñi Dios. ⁶ Ña queno yirena sʉori meje beseñi Dios. Ñare ti maicõri beseñi ĩ. Ña queno yirena sʉori ĩ besero bajija, ñare waja yirocʉ robo beseborʉ ĩ. Quenarise ña yibitibojarocati, ñare ti maicõri beseñi Dios.

⁷ Ado robojʉa bajia. Israel sita gãna, “Queno yirã ñama ña”, ĩ yire ña ãmobjarocati, “Queno yirã ñama ña”, yibisijʉ Dios. Coriarãti Dios ĩ beseana, “Ña ñama queno yirã”, yiyijʉ Dios. Gãjerãma Dios oca tʉo ãmomena ñayjarã ña. ⁸ Ña gayere bʉsia Dios oca tuti. Ado bajiro gotia: “Ĩre ãmomenare ĩ oca ña tʉo masibitiroca yiyijʉ Dios ñare. Ito bajiri gãjerã ĩ ocare ña gotibojarocati tʉo masibisijarã ña. Ito bajiroti bajia adi rʉmʉri cʉni”, yĩ gotia Dios oca tuti. ⁹ Ado bajiro yĩni David ñayorʉ Diore:

Israel gãna wanʉ quenarã, basa ña menirise bojori bʉjaroca yiya. Ña tʉoĩa bʉjatobitiroca yiya. Ito yicõri ña ñeñaro yirise waja, ñare waja seniña.

¹⁰ Ña tʉo masibitiroca yiya. Sīgũ rʉcʉrise ãmi wacʉ robo bajiro, ña ñeñaro yirise tãniroca yiya mʉ, yiyijʉ David ñayorʉ Diore.

Judio masa mejere cʉni Dios ĩ masore gaye

11 ¿No bajiro tʉoĩati mʉa? Dios judio masare, ĩre ĩna āmobejare, ĩnare jidicā ruyuriogʉ yiguĩjida? Meje ĩnare jidicā ruyuriobiquĩji Dios. Judio masa Diore ĩna āmobeja, judio masa mejereama masogũ yiguĩji Dios. Ito bajiro gājerāre ĩ masoja ti masicōri, āmotirā yirāji judio masa cʉni. 12 Judio masa Diore ĩna cʉdibejare, jaje quenarise gaye masa jājarāre ejayijʉ. Judio masa Cristore ĩna tʉorũnʉbejare judio masa mejere cʉni jaje quenarise gaye ejayijʉ. Ito bajiri Cristore tʉorũnʉsʉoyijarā ĩna cʉni ĩja. Judio masa cʉni Cristore ĩna tʉorũnʉja, bʉto bʉsa masa jeyarore quenarise ejaro yiroja.

13 Mʉa judio masa mejere cʉni bʉsigʉ ya yʉ. Mʉare Dios oca gotire ña yʉre. Mʉare yʉ riasotoni yʉre cʉñi Dios. “Iti ña moare ñasarise”, yĩ tʉoĩa yʉ. 14 Yʉ ñarā judio masa, mʉare bajiro ĩna bajire āmogũ, itire gotia yʉ. Dios mʉare masoja masicōri, āmotirā yirāji ĩna cʉni. Ito yija Cristore tʉorũnʉrā yirāji gajea. Ito bajiro ĩna yija ticōri, ĩnare masogũ yiguĩji Dios. 15 Judio masare Dios ĩ jabeto jidicārajʉ, masa jeyarore oca quenarise cʉyijʉ Dios, ĩ rāca ĩna queno ñatoni. Ito bajiro ĩ oca cʉyijʉ Dios judio masa mejere cʉni. Ito bajiri Cristore ĩna tʉorũnʉja Dios ñarā ñarāji ĩna cʉni. Bʉto bʉsa quenaroja, judio masa cʉni Cristore ĩna tʉorũnʉja. Jeame ājʉroja ĩna wabore ñaroca ĩnare masogũ yiguĩji Dios. Ito bajiri godabojarāti mʉcana tʉdi catirā robo bajirā yirāji ĩna. 16 Ado bajiro bajia. Jabeto cʉjabʉra gaye, boca āmicōri, Dios ĩ quenoja, ñarocōti cʉjabʉra quena jedicoaro yiroja. Yucʉgʉ ñe, jeyaro iti quenaja, jeyaro rʉjuri cʉni quena jediroja. Ito bajiro bajiyijʉ Abraham ñayora. Queno yigʉ ñari, Diore tʉorũnʉyijʉ ĩ. Ito

bajiri ï janerãbatia Diore ïna t̃worũnɔja, queno yirã ñarã yirãji ïna c̃ani.

¹⁷ Cog̃u yuc̃ug̃u, olivo wame c̃utiric̃u, r̃uj̃u jat-acõacõri, rocati judirag̃u r̃uj̃u ãmicõri wõja, cog̃u gaye bajiroti bajiroja. Ito bajiroti Dios c̃ani judio masare cõacõri, judio masa mejere c̃ani, m̃uare ï ñarã ñatoni c̃ũñi ï. Ito bajiri Dios ye quenarise b̃ujacõri g̃ua judio masa rãca s̃ig̃ure bajiro bajirã ña m̃ua. ¹⁸ Ito bajiro Dios ï yija, “Judio masa rêto b̃usaro queno yirã ña g̃ua”, yi t̃uoĩabitir̃uja m̃uare. “Judio masare mani rioj̃uaj̃u beseñi Dios”, yire gayere t̃uoĩañã m̃ua. Cristo judio mas̃u ï rujearena s̃woriti m̃uare masoñi Dios. Ito bajiri, “Judio masa rêto b̃usaro queno yirã ña mani”, yiado ma m̃uare.

¹⁹ M̃ua judio masa meje ñarã, ado bajiro yi-borãji gajea: “Judio masare jidic̃ayij̃u Dios, ï ñarã mani ñatoni. Ito bajiri ñasari masa ña mani”, yi t̃uoĩabobar̃ji gajea m̃ua. ²⁰ Riti ña, judio masare Dios ï jidic̃are. Cristore ïna t̃worũñubejare, ito bajiro yiñi ï, ñnare. Cristore m̃ua t̃worũñubeja, m̃uare c̃ani cõacõbor̃u ï. Ito bajiri, “Judio masa rêto b̃usaro ñari masa ña mani”, yi t̃uoĩabesa m̃ua. “Ñasarã meje ña mani”, yi t̃uoĩañã m̃ua. Ito bajiro t̃uoĩacõri, “Queno ya Dios m̃u”, yiya, ïre r̃uc̃ub̃uorã. ²¹ Dios judio masare, cajero ï beseanare ï cõaja, m̃uare c̃ani cõa masiguĩji ï. ²² “Jaje quenarise gaye yami Dios masare. Ito yicõri masare b̃uto ïna t̃õb̃ujaroca c̃ani yami Dios”, yi t̃uoĩañã m̃ua. Ado bajiro bajia. ïre r̃uc̃ub̃uomenare b̃uto ïna t̃õb̃ujaroca yibojag̃uti m̃uare queno yami. Ito bajibobarocati m̃ua ïre r̃uc̃ub̃uot̃ĩñabeja, m̃uare c̃ani cõacõbor̃u ï. ²³ Judio masa ï cõana, Cristore ïna t̃worũñuja ï ñarã ñaroca

yigu yiguŋji ĩ mɛcana. ĩ masirisena, ĩ ñarã ñaroca yi masiguŋji mɛcana. ²⁴ Judio masa meje mɛa ñabojarocati ĩ ñarã bajiro mɛare cũni Dios. Judio masa ñama cajero Dios ĩ beseana. Cajero ĩ beseana meje mɛa ñabojarocati josari ĩ ñarã mɛa ñaroca yiñi Dios. Judio masa cajero ĩ beseana mɛcana ĩ ñarã ñaroca ĩ yija, josari mejeti ñaroja.

Israel sita gānare Dios ĩ masosɛsare gaye

²⁵ Yɛ ñarã, masa ĩna masibiticati gayere, mɛare gotigɛ ya yɛ. Dios ĩ beseana ña mani. “Jeyaro masirã ña mani”, mɛa yi tɔoĩabititoni, iti gaye ocare mɛare gotia yɛ. Adocãta judio masa jãjarã ñama Diore tɔo âmomena. Ito bajiro bajitĩñamenaji ĩna. Judio masa meje ñarã, Dios ĩ besecãna, Jesure ĩna tɔorũnɛja ticõri, judio masa cɔni Diore âmorã yirãji ĩna. ²⁶ Ito bajiro judio masa Diore ĩna âmõja, jeame ũjɛroju ĩna wabore ñaroca ĩnare masogũ yiguŋji ĩ. Ito bajiro ucare ña Dios oca tutijɛ:

Siõn wame cutiri cutojɛ ejagu yiguŋji masare masori masɛ. Jacob janerãbatiare ĩna ñeñaro yirisere coegɛ yiguŋji ĩ.

²⁷ Ito bajicõri, ñeñaro ĩna yirise yɛ acabojoja, jane mejeju yɛ goticãdo bajiroti yigu yigɛja yɛ, yi gotia Dios oca tuti.

²⁸ Adocãta judio masa jãjarã Cristo oca quenarise rɛcɛbɛomena jaicoama. Ito bajiri Dios wajana ñama ĩna. Ito bajiro ĩna bajijare, mɛa judio masa mejeju tɔorũnɛsɛo mɛa. Judio masa ĩna Diore âmobitibojarocati, ĩjuama ĩnare ti maiguŋji maji. ĩna ñicɛsabatiare cɔni ti maiñi ĩ. Ito bajiri adi rɛmɛri gāna judio masare cɔni ti maiami ĩ maji. ²⁹ “ĩnare besecɛ yɛ. Ito bajiri ĩnare queno

yigũ yigũja yũ”, yiyijũ Dios. Ī goticãdo bajiroti yigũ yiguĩji ĩ. Ī goticãdo bajiroti jidicãbicũ yiguĩji Dios. ³⁰ Cajero Diore cãdibisija mũa. Judio masa Diore ĩna cãdibeja ticõri, mũajũare maicõri, mũaare masoñi ĩ. ³¹ Adocãta judio masa Diore cãdirã meje ñama. Ito bajiro ĩna bajibojarocati, mũaare ĩ ti mairo bajiroti, ija ĩnare cãni ti maigũ yiguĩji ĩ. ³² Mani jeyaro Diore cãdimena riti ñacũ mani maji. Ñeñaro mani yi ãmoja manire camotabisĩ Dios. Ito bajiro yiñi, ñeñaro mani yija bero, “Bũto yũre maisacõguĩji Dios. Īre yũ ñeñaro yirise yũ goti rẽtobuja, yũre ãcabojogũ yiguĩji”, mani yi tũoĩa masitoni.

³³ Quenasacõa. Quenoguti yigũ ñami mani Jacũ Dios. Jeyaro masigũ ñami ĩ, ito yicõri jeyaro tũo masigũ. Ī tũoĩarisere masibea mani. Ito yicõri ĩ yirisere ti masibea mani. ³⁴ Ado bajiro gotia Dios oca tuti: “Ñimũjũa Dios ĩ tũoĩarise tũoĩagũ mami. Ñimũjũa Diore riasogũ mami. ³⁵ Ñimũjũa mami, ‘Diore ĩsicũ yũ. Ito bajiri yũre waja ruyurioami ĩ’, yigũ”. Ito bajiro ucare ñayija jane mejejutĩ. ³⁶ Adi sita ñarotire jeyaro rujeoñi Dios. ĩna sũoriti jeyaro ña. Ito yicõri ĩ ye riti ña. Ito bajiro ĩ bajijare ĩre rãcũbũotĩñacõruja manire. Ito bajiro riti bajitĩñajaro.

12

Dios ĩ ãmorise riti mani yija quena, yire gaye

¹ Dios manire ti maicõri jaje mani yerotire yiñi. Ito bajiri yũ ñarã Dios ĩ ãmorise riti yirã ñaña mũa. Quenarise riti yiya, ñeñarise yimenati. Mũa ito bajiro yija, Dios wanũ quenagũ yiguĩji mũa rãca.

Diore mani rûcubûorise îre îorona ito bajiro yirûja mani. Ito bajiro mûa yitoni, oca sêoro mûare rotia yû. ² Diore masimena îna yiro bajiro yibesa. Mame tûoîare gaye wasoacôri, quenarise riti tûoîaîna mûa. Ito bajiro tûoîacôri Dios î âmorise masirã yirãji mûa. “Diore quena ña”, yire gaye masirã yirãji mûa. Ito yicôri î wanûroti gaye cûni masirã yirãji mûa. “Iti ña yûre ñasarise”, Dios ye yire gaye masirã yirãji mûa.

³ Yûre ti maicôri î oca mûare gotirocûre yûre cûñi Dios. Ito bajiri ado bajiro mûare gotia yû. Mani îre tûorûnûrã ñajare manire moare cûñi î. “Îre yû moa îsi masitoni yûre ejabûagu yiguîji Dios”, mani yi tûoîaroca yami Dios. Ito bajiri, “Yûmasi queno Diore moa îsia yû”, yi tûoîabitirûja manire. Ado bajirojûa mani tûoîaja quena. “Dios î ejabûarisena riti queno moa masia yû”, yi tûoîarûja manire.

⁴ Mani ya ruju jaje ña. Tite mûa. Âmo, cajea, gãmoro, gûbo jaje ña mani ya ruju. Co ruju gaye ricati riti moare cûtia mani ya ruju. Tite mûa. Cajeana ti, gãmorona tûo, âmona âmi, gûbona wa ya mani. ⁵ Ito bajiroti bajaia mani Jesucristore tûorûnûrã. Îre tûorûnûrã ñari î ya ruju robo bajirã ña mani. Ito bajiri jâjarã ñabojarâti sîgûre bajiro tûoîacôri gâmeri ejabûa mani. Ito yicôri mani yagu sîgû î manija gâmeri godo cûtia mani.

⁶ Î âmoro bajiro mani jeyarore, ricati riti mani moa masirotire jidicãñi Dios. Dios manire jidicãre mani moa masirisena îre queno moa îsirûja manire. Dios î oca gotiroti gayere mûare î jidicãja, Cristore mûa tûorûnûrocô gotija quena. ⁷ Gãjerãre ejabûare gaye manire Dios î jidicãja, gãjerãre

queno ejabũaja quena. Ito yicõri, no riasore gaye boca ãmigũ gãjerãre queno riasoja quena. ⁸ Gãjerã oca sêoroca yi masigũ, queno yija quena. No gãjerãre ã ãsi ãmoja, queno wanũ quenaro jairo ãsija quena. No rotigũ quenoti rotija quena. No bojori bũjarãre ejabũagu, wanũ quenare rãca ejabũaja quena.

Cristore tũorũnrã ado bajiro ñaja quena, yire gaye.

⁹ Bũguti gãjerãre mai rũobesa. Gãjerãre maisaguti maija quena. Ñeñaro yirere ti tecõri jidicãña. Quenarise riti yi ãmoña. ¹⁰ Cristore tũorũnrã ñari sãgũ rãa robo bajiro gãmeri queno ti maiña. Ito bajiro yicõri queno gãmeri rũcũbũoya mũa.

¹¹ Dios moare gaye mũare ã cũre tũoĩa wanũcõri moaja quena. Diore wanũrã ã ãmoro bajiroti ãre queno moa ãsiña mũa.

¹² “Gũare queno yigũ yiguĩji Dios”, yi tũoĩa yurã ñari, queno wanũ quenaro ñaña mũa. Mũa tũbũjaja, ñemecutiya. Mũare oca ñaja, usiriobeja. Ito yicõri Diore bũsi jidicãbeja mũa. ãre mũa bũsisotija quena.

¹³ Cristore masirã ãna bojoro bũjaja, ãnare ãsima. Mũa ya wi ejarãre queno boca ãmima.

¹⁴ Jesure masirã mũa ñajare gãjerã ñeñaro mũare ãna yija, ñeñaro ãnare bũsitubeja. Dios ãnare queno yitoni, Diore senima mũa.

¹⁵ Gãjerã queno ãna wanũ quenaja, queno corocõ ãna rãca wanũma mũa cuni. Gãjerã ãna bojori bũjaja, cocati bojori bũjaba mũa cuni.

¹⁶ Gãjerã jeyarore queno ti mai ñaña mũa. “ãna rẽto bũsaro queno yirã ña mani”, yi tũoĩabesa mũa.

“Ñasamena ñama ñna”, gãjerã yianare cuni baba cuticõri, queno wanu quena ña mua. “Gãjerã rêto busaro masia yu”, yi tuoïabesa.

¹⁷ Gãjerã ñeñaro muare ñna yija, ñnare gãmebeja mua. Quenarise riti yiya mua, gãjerã, “Ñeñaro yirã ñama”, ñna yibititoni. ¹⁸ Gãjerã rãca gãmeri ti tudibesa mua. Ado bajirojua mua yija quena. Queno mua yi masirise yiya, masa jeyaro rãca queno mua ñatoni. ¹⁹ Queno tuoia yu ñarã mua. Gãjerã ñeñaro muare ñna yibojarocati ñnare ñeñaro yibeja mua. Muare ñeñaro yirãre ñeñaro ñna tōbujaroca yi masiami Dios, ñnaōnare. Ì oca tutina ado bajiro gotiami Dios: “Yu ña, masa ñna ñeñaro yire waja, ñeñaro ñna tōbujaroca yiri masu. Ñna ñeñaro yire waja, ñnare waja senigũ yigũja yu”, yiari gotiami mani Uju Ì oca tutina. ²⁰ Gaje ado bajiro gotia Dios oca: “Mua wajasu Ì ñiocōja, ñre bare ecaya. Ì idi āmoja, ñre ioya. Ito bajiro mua yija, mua wajasu ñeñaro yi āmogũ, muare bojobja tigu yiguji”, yi gotia Dios oca tuti. ²¹ Gãjerã ñeñaro muare ñna yibojarocati ñnare ñeñaro yibeja muama. Ñnare quenarise riti yiya mua. Ito bajiro mua yija ticõri, ñna ñeñaro yirisere jidicãrã yirãji gajea.

13

¹ Dioti ñami mani ujarãre cūri masu. Dios Ì cūana ñajare, mani ujarãre yiro robo cudiruja manire.

² Ujarãre ti tujabica, ñna rotitoni Dios Ì cūanare cadiguōcũ meje ñami ñocũ. Ito bajiro cadimenare, ñna tōbujaroca yigu yiguji Dios. ³ Queno yiri masare güiri masa meje ñama rotiri masa. Ñeñaro yiri masajure güiri masa ñama rotiri masa. Ito

bajiri quenarise riti yiya m̃aa. Quenarise riti m̃aa yija ticōri, m̃aare ti wañarã yirãji m̃aa ɯjarã. ⁴ Mani queno ñatoni rotiri masare cūñi Dios. Mani ñeñaro yija, güirã yirãji mani. “Ỹɥ ñeñaro tōɓɓjaroca yig̃ɥ yiguĩji”, yi t̃uoĩacōri güirã yirãji mani. Ñeñaro yirãre ñna tōɓɓjaroca yironare rotiri masare cūñi Dios. ⁵ Ito bajiri j̃uaji t̃uoĩare gaye t̃uoĩacōri rotiri masare ñna yiro bajiroti c̃ɗdirona ñna mani. “Ỹɥ c̃ɗdibeya ticōri, ỹɥ tōɓɓjaroca yig̃ɥ yiguĩji Dios”, yi t̃uoĩarã c̃ɗdija quena. Ito yicōri, “Ỹɥ c̃ɗdija iti ñna queno yire gaye”, yi t̃uoĩacōri, ñna yiro bajiroti c̃ɗdirɯja manire. ⁶ Rotiri masa ñna moarise yiro robo ñna moaja, Diore yiari moa ñsirã yama ñna. Ito bajiro ñna yitoni ñnare cūñi Dios. Ito bajiri rotiri masa ñna waja senija, ñnare waja yija quena.

⁷ M̃aa waja ruyuriorãre c̃ani waja yiya. ɯjarã ye niyeru seni ñsiri masare waja yiya. Gaje ɯjarã ñna waja yirotiya, ñna rotiro bajiroti waja yiya. Ito yicōri ñna yiro bajiroti yiya m̃aa. M̃aa ɯjarã ñnarocōreti r̃uc̃ɓɓɔya. ⁸ Gãjerãre waja ruyuriobesa. Sīg̃ure r̃ɣabeto gãmeri ti maisotiya. Ito bajiro gãmeri m̃aa ti mairise jidicãbeja m̃aa. No ñ t̃u gãnare ti maigũ, Dios ñ rotirise c̃ɗdig̃uti ñami ñocũ ñja. ⁹ Dios ñ rotirise ado bajiro gotia: “Gãji manojore ajebesa. Gãjerãre s̃iabesa. Rinibesa. Ito yicōri gãji ya gajeonire ti ɯobesa”, yi gotia Dios ñ rotire. Dios ñ rotirise ñnarocōti ado bajiro riti gotia: Gãjerãre m̃aa ti maija, ñnare ñeñaro yimenaji m̃aa. Ito yicōri ñnare m̃aa ti maija, Dios ñ rotirisere c̃ɗdi jeorã ñarã yirãji m̃aa. Ito bajiri m̃uamasiti m̃aa mairo bajiroti, m̃aa t̃u gãnare c̃ani ti maiña. ¹⁰ No ñ t̃u gãnare ti maigũ, ñnare ñeñaro yibic̃a yiguĩji. Ito bajiri mani t̃u gãnare

mani ti maija, ñarocōti Dios ĩ rotirise cʉdirã ñarã yirãji mani.

¹¹ Dios ĩ rotiro bajiro riti yirʉja manire. Ñamicajʉ ña ĩja. Nocō mejeti mani ʉjʉ ejagʉ yiguĩji manire ãmi warocʉ. Ito bajiri ña yucãrʉja manire. Cajero ĩ oca mani tʉorũnʉja, “Co ramʉ tʉdi ejagʉ yiguĩji Jesús”, yi tʉoĩacʉ mani. Ito bajibojarocati adi ramʉ, “Nocō mejeti rʉya manire ĩ masogũ ejaroto”, yi tʉoĩa masia mani ĩja. ¹² Adocãta ñami bajiro bajaia, masa ñeñaro ĩna yija. Ñami rēta wajʉ, nocō mejeti mani ʉjʉ ĩ tʉdi ejaroti ramʉ ejaro yiroja. Itocōti ejagʉ yiguĩji ĩ. Ito bajiri ñeñaro mani yire gayere jidicãrʉja manire. Gãjerã rãitĩarojʉ ñeñaro ĩna yiro bajiro yibitirʉja manire. Ado bajirojʉa yirʉja manire. Quenarise riti yirʉja, busuro ñarã queno ĩna yiro bajiro. ¹³ Quenarise riti yirʉja manire, masa ĩna tiro riojo queno mani yiro bajiro. Basa ĩna meniroyʉ wabitirʉja manire. Ñeñaro ĩna ajerojʉ mecubitirʉja manire. Gãji manojore ajebitirʉja manire. Mani ya rujʉ ñeñaro iti tʉoĩaro bajiroti ñeñaro yibitirʉja manire. Gãjerãre tudibitirʉja manire. Gãjerã mani rētoro ĩna masija ticōri, ĩnare ti junisinibitirʉja manire. ¹⁴ Ado bajirojʉa mani yija quena. Mani ʉjʉ Jesucristore tʉorũnʉrʉja manire. ĩti ñami manire ejabʉagʉ, mani ñeñaro yibititoni. Ito bajiri ĩ ejabʉarisena mani ya rujʉ ñeñaro iti tʉoĩaro bajiroti yi ʉyabitirʉja manire.

14

Cristore tʉorũnʉrãre bʉsitubesa, yire gaye

¹ Queno Jesure tʉorũnʉsabica ñabojaguti sīgũ mʉa rãca ĩ ña ãmoja, ĩre boca queno ãmiña mʉa.

“Ito bajiro bajigũ ñami”, yi ti masicõri ã rãca gãmeri bũsi tũoĩabeja ñasabitire. ² Ado robojũa baja ñasabiti gaye. Coriarã Jesure masirã, “Jeyaro mani baja cuni quena ña”, yi tũoĩama ña. Gãjerã queno Jesure masisamenama, “Waibũcũ ri ba jidicãrũja. Ote gaye riti mani baja quena”, yi tũoĩama ña. ³ Ñarocõti jeyaro barã, gãjerã ba jidicãrãre bũsitubiticõrũja ñare. Ito bajiroti ba jidicãrãjũa cuni, jeyaro barãre bũsitubiticõrũja. Cristore tũorũnũcõri, Dios ñarã ñama ña ãja. Ito bajiri ñare bũsiture ma. ⁴ Jesure tũorũnarã, Diore moa ãsiri masa ñama ñaõna. Ña ɸjarã meje ña mũa. Dios ñami ña ɸjũ. Ito bajiri Dios ña ɸjũ ñari, “Queno ya mũa yũre”, ito yicõri, “Queno yibea mũa yũre”, yiguĩji ã. Dios sũgũti ãre moa ãsiri masare ña queno yĩtoni yi masiami.

⁵ Coriarã Jesure masirã ado bajiro tũoĩama: “Adi rũmũ Diore rũcũbũora rũmũ ñasari rũmũ ña gaje rũmũ rẽtoro”, yi tũoĩama ña. Gãjerãma ado bajiro tũoĩama: “Co rũmũ rũyabeto corocõ Diore rũcũbũorũja mani”, yi tũoĩama ña. Mani jeyaro sũgũ rũyabeto, “Yũ yisotire, ñeñarise meje ña”, yi masirũja manire. ⁶ Sũgũ, “Adi rũmũ ña ñasari rũmũ”, yi tũoĩagũ, ito bajiro yami mani ɸjũre rũcũbũogũ. Gãji, “Co rũmũ rũyabeto corocõti ña”, yi tũoĩagũ, ã cuni Diore rũcũbũore gayeti ito bajiro yami. Gãji jeyaro bagũ, Diore rũcũbũorocuti bami ãocũ cuni. ã baja, “Queno ya Dios mũ”, yiguĩji ã. Gãji waibũcũ ri ã ba jidicãja, ito bajiro yami ã cuni Diore rũcũbũogũ. “Queno ya Dios mũ”, yiguĩji ã cuni.

⁷ Mani Cristore masirã, mani tũoĩarise riti yi ãmorã meje ña mani. Ito bajiri, “Yũ ãmori rũmũ

godacujá yu”, yimenaji mani. ⁸ Mani catirocõ, mani Uju Cristo i ãmoro bajiro yirona ña mani. Ito yicõri i ãmorocõ godarãji mani, i rãca ñarona. Ito bajiri mani catija cuni, mani godaja cuni Cristo ñarã ña mani. ⁹ Ado robojua bajia. Cristo godacõri mucana tudi catiñi godarã uju ñarocu, ito yicõri catirã uju ñarocu cuni.

¹⁰ ¿No yija gãjerã Jesure masirãre seti yiatu mua? ¿No yija gãjerã Jesure masirãre ñeñaro tuoia busiatu mua? Mani ñarocõti Cristo riojo ñarã yirãji mani, mani queno yigore, mani ñeñaro yigore cuni, i cõiatoni. Iti masicõri mani ñarãre, “Inare seti ña”, yibitirujá manire. ¹¹ Ado bajiro gotia Dios oca tuti: Catia yu. Ito bajiri yu gotirise riti ña. Masa jeyaro yu riojo, rijomunigãna ñini rûjûrã yirãji, yure rûcuborona. Sîgû ruyabeto, “Dios ña mu”, yirã yirãji, yi gotia Dios oca tuti.

¹² Iti tuocõri, “Mani jeyaro sîgû ruyabeto, jeyaro mani yigorore Diore goti rêtora yirãji mani”, yi tuoia mani.

Cristore tuorũnarãre ñna jidicãroca yibesa, yire gaye

¹³ Ito bajiri gãmeri busitubiticõruja manire. Ado bajirojua quenarise riti yirujá manire. Ito yicõri mani rãca gãna Cristore masirã, ñna ñeñaro yiroca yimenaji mani. ¹⁴ Yuma Cristore masigû ñari, “Jeyaro yu baja quena ña”, yi tuoia yu. “Iti yu baja, ñeñarise ña”, yi tuoia bojaguti i baja, ñeñaro yigu yami locũ. ¹⁵ Sîgû Cristore masigû, “Rẽore gaye ña”, i yi tuoiarise mani baja ticõri, bojori bujagu yiguji gajea. Ito bajiri i bojori bujaroca mani yija, ñre ti mairã meje ña mani. Ñaõnare yiari cuni goda

ĩsiĩni Cristo. Ito bajiri sīgũ Cristore masigũ mani baja ticōri, Cristore ĩjidicã ãmoja, babiticōrũja itire.

¹⁶ “Gũa yirise quena ña”, yi mũa tuoĩabojarocati, “Ñeñaro yama ĩna”, yi gãjerã mũare ĩna busituja, yibeja itire. ¹⁷ ĩre tuoĩũũrãre riti ĩrotirojũ miojugũ yiguĩji Dios. Ito bajiri mani barise cũi, mani idirise cũi ñasarise meje ña. Mani Ujũ ĩrotiro bajiro mani cũija, iti ña ñasarise. Ito yicōri gãjerã rãca queno mani ñaja, iti ña ñasarise. Espĩritu Santo mani wanũ quenaroca ĩ yija, iti cũi ñasarise ña. ¹⁸ Cristo ĩ ãmoro bajiroti mani yija, “Queno yirã ñama ĩna”, yigũ yiguĩji Dios. Ito yicōri masa cũi ito bajiroti yirã yirãji.

¹⁹ Ito bajiro yirũja mani, gãjerã rãca ñe oca manoti queno mani ñatoni. Ito yicōri gãmeri ejabuato mani, Cristore buto busa tuoĩũũana yirona. ²⁰ Sīgũ, “Rẽore gaye bama ĩna”, yi wacũ Diore ĩjidicã ãmoja, babitirũja mani. Bare jeyaro mani baja quenarise ñaroja. Ito bajibojarocati gãji, “Rẽore ña iti”, yi wacũ, mani baja ticōri, Cristore ĩjidicã ãmoja, babitirũja mani itire. ²¹ Gãji Cristore masigũ, rẽore gaye mani baja ticōri, ito yicōri uyé ide mani idija ticōri, Cristore jidicãgũ yiguĩji gajea. Ito bajiri Cristore ĩjidicãbititoni, jeyaro rẽore gaye babitirũja manire. Ito yicōri idire idibitirũja manire. Mani yirise ticōri, Cristore ĩjidicã ãmoja, yibitirũja mani itire. ²² “Jeyaro yũ baja quenaroja”, mani yi tuoĩaja, Diore riti gotija quena. No, “Yũ yisotirise quena ña Dios ĩ tiro ri-ojo”, yi masigũ, wanũ quenagũ ñami ĩocũ. ²³ No, “Yũ baja quenabetoja iti”, yi masibojaguti, ĩ baja, seti ñaroja ĩre. “Yũ baja quenabetoja gajea”, yibojaguti,

ĩ bajare seti ñaroja ñre. “Yũ yija quenabetoja gajea”, yibojarãti, mani yija, seti ñaroja manire.

15

Mani ñaroti gaye riti meje tuoĩaja quena, yire gaye

¹ Mani Diore queno tuoĩũnarã, gãjerã queno Diore tuoĩũnsamenare ejabũarũja manire, ñeñaro ñna yibititoni. “Rẽore ña”, ñna yi tuoĩare gaye yibiticõrũja mani. Ito yicõri mani wanũroti gaye riti yibitirũja manire. ² Ado bajirojũa yirũja manire. Mani tu ñarãre ñna wanũ quenaroca yirũja manire. Ito yicõri ñnare queno yirũja mani, Diore bũto bũsa ñna tuoĩũnũtoni. ³ Cristo cũni ĩ rioti ĩ wanũroti gayere yibisĩ ĩ. Ado robojũa bajiyija. Dios oca tuti ucare bajiroti rẽtayija. Ado bajiro yiyijũ Cristo, ĩ Jacũre: “Jeyaro ñeñarise mũre ñna bũsigoreti, yũre rẽtacũ ĩja”, yi ucare ñayija jane mejejũti. ⁴ Jane mejejũ Dios ĩ bũsigore ucare ñayija. Quenarisejũa mani yi riasotitoni bajiyija iti. Ito bajiri itire mani riasotija, ñeñaro tõbũjabojarãti usiriomenati ñemecuticõrãji mani. Ito yicõri queno wanũ quenarã yirãji mani. “Dios ĩ goticãdo bajiroti jeyaro rẽtarũ yiroja”, yi tuoĩa yucõri, queno wanũ quenarã yirãji mani. ⁵ Dios ñami mani ñemecutiroca yigũ, ito yicõri mani tuoĩa oca sẽoroca yigũ. Sĩgũre bajiro mũa tuoĩa wanũroca yijaro ĩ, Cristo ĩ ãmoro bajiro. ⁶ Mani Hũũ Jesucristo Jacũ Diore mũa rũcũbũtoni, ito bajiro yijaro Dios mũare. Ito yicõri sĩgũre bajiro usi cuticõri, “Ĩ ñami rẽtoro masigũ”, mũa yi tuoĩatoni, ito bajiro yijaro Dios mũare.

Judio masa mejere cuni Pablo Cristo oca ã gotire gaye

⁷ Cristo manire ã boca ãmiado bajiroti, gãjerãre boca ãmiña mña cuni. Ito bajiro mña yija, masa mñare tirã riti, “Queno yigũ ñami Dios”, yirã yirãji ãna. ⁸ “Adi macãrũcũrojure judio masare ejabũagũ wadiñi Cristo”, ya yũ mñare. Ito bajiro yiñi Cristo, “Jane mejeru gãnare Dios ã goticãdo bajiroti yiñi”, mani yi masitoni. ⁹ Gaje ado bajiro wadiñi Cristo. “Masare ti maigũ ñari rëtoro queno yigũ ñami Dios”, judio masa meje cuni ãna yi masitoni, ado wadiñi Cristo. Dios oca tuti iti gotiado bajiroti ado bajiro gotiñi Cristo Diore:

Judio masa meje tũoro riojo, “Mũ ña rëtoro masigũ”, yi mure rũcũbũogũ yigũja yũ. Mure rũcũbũogũ mũ wame basa sãacũja yũ, yiyijũ Cristo Diore. Ito bajiro yi ucare ñayija jane mejejuti.

¹⁰ Ito yicõri gaje ado bajiro ucare ña:

Mña judio masa meje cuni, Dios ñarã judio masa rãca wanũ quena ña mña, yiari ucare ñayija.

¹¹ Ito yicõri ado bajiro ucare ñayija gaje:

Judio masa meje, ito yicõri masa jeyaro, “Rëtoro queno masigũ ñami Dios, ito yicõri rëtoro queno yigũ ñami Dios”, yi rũcũbũojaro ãna, yi ucare ñayija.

¹² Isaías ñayoru ado bajiro ucañi:

Isaí ñayoru janerãbatia janami sīgũ rujeagũ yiguĩji. Judio masa meje ujũ ñagũ yiguĩji ã. Ìre tũorũncõri, “Manire masogũ yiguĩji”, yirã yirãji ãna, yi ucare ñayija.

¹³ “Dioti ñami manire masorocɥ”, yi tʉoĩa mani. Ìre senia yɥ, mɥa Ìre tʉorũnɥcõri queno corocõ mɥa wanɥ quenatoni, ito yicõri queno corocõ mɥa ñatoni. Gaje Ìre senia yɥ. “Espíritu Santana sʉoriti manire masogũ yiguĩji”, yi mɥa tʉoĩa wanɥtoni Diore senia yɥ.

¹⁴ Yɥ ñarã, queno yirã ña mɥa, ito yicõri Cristo gayere queno masirã ña mɥa. Ito bajiri gãmeri riaso masia mɥa. Yi tʉoĩasacõa yɥ itire. ¹⁵ Ito bajibojarocati adi paperana mɥare oca sêo busaro gotia yɥ. Ito bajiro mɥare ya yɥ, mɥa tʉogore mɥa tʉo bɥjatoni, ito yicõri mɥa ãcabojabititoni. Sêoro mɥare papera cõa yɥ, Dios yɥre ti maicõri ito bajiro Ì cũjare. ¹⁶ Mɥa judio masa mejere cɥni Cristo oca quenarise riasotoni yɥre cũñi Dios. Cristore tʉorũnɥjaro ñna, yirocɥ mɥare riasocɥ yɥ. Adocãta Ìre tʉorũnɥrã ñari Espíritu Santana sʉoriti Dios ñarã ña mɥa Ìja. Ito bajiri queno wanɥ quenacõri mɥare boca ãmigũ yiguĩji Dios. Itire tʉoĩagũ mɥare riasoa yɥ.

¹⁷ Jesucristore tʉorũnɥcõri Diore moa Ìsia yɥ. Ito bajiri wanɥ quenacõri, “Jesucristo Ì ejabɥarisena Diore queno moa Ìsia yɥ”, yi tʉoĩa yɥ. ¹⁸⁻¹⁹ Iti riti mɥare gotia yɥ. Yɥre ejabɥañi Cristo, mɥa judio masa mejere cɥni Ìre mɥa cɥdiroca yɥ yitoni. Yɥ riasore gaye tʉocõri, queno yɥ yire gaye ticõri, ito yicõri Espíritu Santana sʉoriti tiyamani yɥ yija ticõri, Cristore tʉorũnɥyija mɥa Ìja. Ñaro bajiroti Cristo oca quenarise riasocɥ yɥ. Jerusalénjɥna yɥ goti wadija, gaje cɥtori jeyaro goticõri, Iliriajɥ goti ejacɥ yɥ itire. ²⁰ Cristo gaye ñna tʉoĩamena ñarojɥ, Cristo masare Ì masore gaye Ìnare riasogɥ wasoticɥ

y_u. Gãjerã ãna riasocãdoj_ure, riasog_u wa ãmobitic_u y_u. ²¹ Ito bajiro y_u yija, Dios oca tuti iti ucado bajiroti bajic_u. Ado bajiro gotia:

Ï oca t_uobitiana t_uorã yirãji. Ito yicõri t_uo rêtoburã yirãji, yi ucare ñayija.

Romaj_u Pablo ï wa ãmore gaye

²² Jaje c_utori y_u riaso ucure ñajare m_ua t_u wa ãmobjaguti wa masibitic_u y_u maji. ²³ Adi sitaj_ure moare t_uocoa y_u ïja. Can_u meje m_ua t_u wa ãmobjaguti, wa masibitic_u y_u maji. Ito bajiri adocãta m_ua t_u wac_u ya y_u ïja. ²⁴ Espa_uñaj_u wac_u, m_uare ti rêta wac_u yig_uja y_u. M_ua rãca y_u wan_u quenaja bero y_ure m_ua ejab_uare ãmoa y_u, Espa_uña y_u eja masitoni. ²⁵ Ito bajibojarocati cajero Jerusalén_u wac_u ya y_u maji, Cristore t_uor_un_uari masare niyeru ãmi wac_u. ²⁶ Macedonia sita gãna, ito yicõri Acaya sita gãna c_uni, ado bajiro t_uo_uayijarã ãna: “Jerusalén gãna Jesure masirã, bojoro b_ujarã yirãji coriarã. Ito bajiri niyeruna ãnare ejab_uar_uja mani”, yi t_uo_uayijarã ãna. Niyeru miojucõri y_ure ãsicã ãna. Ito bajiri iti niyeru Jerusalén gãnare ãsig_u wac_u ya y_u. ²⁷ Macedonia sita gãna, ito yicõri Acaya sita gãna, judio masa meje ñab_ujarãti, “Jerusalén gãna judio masare, ãnare ejab_uar_uja mani”, yi t_uo_uayijarã ãna. Cajero maji judio masa mejere c_uni Dios masare ï masore gaye riasoyijarã judio masa maji. Ito bajiri adocãta judio masa meje ñarã judio masa bojoro b_ujarãre, ejab_uaja quena. ²⁸ Jerusalén gãna Jesure masirãre iti niyeru y_u ãsija bero, Espa_uñaj_u wac_u m_uare ti rêta wac_u yig_uja y_u. ²⁹ M_ua t_u ejacõri Cristo gayere y_u riasoja, m_ua wan_uroca yig_u yigu_uji Cristo.

30 Y_u ñarã Cristore t_uorãnarã ña m_{ua}. Ito yicōri Espíritu Santona s_uoriti gãmeri ti maia m_{ua}. Ito bajiri y_ure yiari Diore m_{ua} senitoni m_uare _usirio codea y_u. 31 Judea gãna Jesure masimena y_ure ñeñaro ña yibititoni, Diore b_usi ñsiña m_{ua}, y_ure yiari. Ito yicōri gaje ado bajiro Diore seniña, Jerusalén gãna Cristore masirã, b_uto wan_u quenacōri, y_u niyeru ãmi warise ña boca ãmitoni. 32 Ito bajiro y_ure yiari m_{ua} b_usi ñsija, Dios ñ ãmoro bajiroti m_{ua} t_u wan_u ejag_u yig_uja y_u. Ito yicōri queno _usi cuticōri gãmeri ejab_uarã yirãji mani. 33 Mani sajari oca cutiroca yig_u ñami Dios. M_{ua} rãca ñatĩñajaro Dios, ya y_u. Ito bajiro riti bajitĩñajaro.

16

Quenajaro masa, Pablo ñyi ñucare gaye

1 Mani yago Febe wame cutigo m_u t_u ejago yigōji. Queno yigo ñamo iso. Cencrea wame cutiri c_uto gãna Jesure masirã rãca Diore yiari moa ñsiri maso ñamo iso. 2 Jãjarãre ejab_uañi iso. Ito yicōri y_ure c_uni ejab_uacō iso. Mani Uj_ure t_uo mairã ñari, isore queno boca ãmima m_{ua}. Mani Cristore masirã ñari, gãjerã Cristore masirãre mani gãmeri boca ãmija quena. Ito bajiri isore boca ãmicōri, jeyaro m_{ua} ejab_uarocō isore ejab_uaba.

3 Quenajaro Aquila, ito yicōri ñ manojo Priscila c_uni. Jesucristo gaye y_u riasotoni, queno y_ure ejab_uacã ña. 4 Y_ure gãjerã s_ña ãmorã ña josaja, y_ure ejab_uabojari godacobocã ña. Ito bajiri, “Quenoguti yicã ña”, ya y_u ñnare. Y_u sīg_u meje, “Queno yicã”, ya y_u. Judio masa meje c_uni Cristore masirã, ito bajiroti yama ña c_uni. 5 Quenajaro,

Diore răcubhorona Aquila ya wi minijuarã. Quenajaro yu răca gagu yu baba, Epeneto cuni. I ñami cajero Asia sita gagu Cristore tuorũnũsũorũ. ⁶ Quenajaro mani yago María cuni. Yoari mua răca moaũi iso. ⁷ Gũa comasi ñarã cuni, Andrónico, ito yicõri Junias cuni, Quenajaro. Ña răca tubiara wijũ ñacu gũa. Ito yicõri yu riojũa bũsa Cristore tuorũnũsũoũi ña. “Queno yirã ñama Andrónico, ito yicõri Junias cuni”, yama Cristo i cũana.

⁸ Quenajaro yu baba Ampliato cuni. Mani Ujũ yagu i ñajare bũto ñre maia yu. ⁹ Quenajaro Urbano cuni. Mani răca Cristore moa ñsigũ ñami i. Quenajaro yu baba yu maigũ Estaquis cuni. ¹⁰ Quenajaro Apeles cuni. Jeyaro i moagore ticõri, “Cristore queno tuorũnũgũ ñami i”, yi tuoĩa mani. Quenajaro Aristóbulo cuni, i ya wi gãna ñarocõti. ¹¹ Quenajaro gũa comasi, Herodiõn cuni. Quenajaro Narciso cuni, i ya wi gãna ñarocõ Cristore masirã cuni. ¹² Quenajaro Trifena, ito yicõri Trifosa cuni. Ña romia jũarã ruje moacã mani Ujũ Jesure yiari. Quenajaro mani yago Pérsida cuni. Iso cuni ruje mani Ujũre yiari moacõ. ¹³ Quenajaro Rufo cuni. Masa jeyaro, “Bũto Cristore tuorũnũgũ ñami i”, yama ña. Quenajaro i jaco. Yu jacoõcõti ñamo iso cuni yũre. ¹⁴ Quenajaro Asíncrito, Flegonte cuni, Hermas cuni, Patrobas cuni, Hermes cuni. Ito yicõri ña răca Cristore tuorũnũrã ñacõti quenajaro. ¹⁵ Quenajaro Filólogo, Julia cuni, Nereo cuni, ito yicõri i ocabajio cuni, Olimpás cuni. Ito yicõri ña răca Cristore tuorũnũrã ñacõti quenajaro.

¹⁶ Mani comasi Cristore masirãre queno wanucõri gãmeri boca ãmima mua. Cristore

tʰorãnũrã ñarocõti, “Quenajaro”, yama mʰare.

¹⁷ Yʰ ñarã ado bajiro gaje mʰare gotigʰ ya yʰ. Coriarã ñama masa batatoni oca menirã. Ito yicõri Jesús gayere ña riasoja, mʰa tʰogore bajiro meje riasoama ña. Ñare mʰa tʰoja, “Roya”, yirocʰ mʰare gotia yʰ. Ñare camotadiya mʰa. ¹⁸ Mani ʰjʰ Cristore yiari meje moama ña. Ña tʰoĩaro bajiroti yama ña. Ña busija, bʰroti quenarise bajiro ruyua. Quenarise meje ña iti. Ito bajiri queno tʰo masimena ña busirisere tʰorãnũbojama ña. ¹⁹ “Dios oca queno cʰdirã ñama ña”, yama masa jeyaro mʰare. Ito bajiri mʰare wanʰa yʰ. Quenarise gaye riti mʰa yire ãmoa yʰ. Ito yicõri cojirea ñeñarise mʰa yimena ñare ãmoa yʰ. ²⁰ Dioti ñami mani queno corocõ ñaroca yigʰ. Nocõ mejeti rãmʰa ʰjʰ Satanásre mʰa rêtocũroca yigʰ yiguĩji Dios mʰare. Mani ʰjʰ Jesucristo queno mʰare yijaro.

²¹ Yʰ rãca moagũ Timoteo, “Quenajaro”, yami mʰare. Ito yicõri gʰa comasi Lucio, Jasón cʰni ito yicõri Sosípater, “Quenajaro”, yama ña mʰare.

²² Yʰ Tercio, Pablo ñ rotiro bajiro adi papera menia. Yʰ Jesure masigũ ñari, mʰa Jesure masirãre, “Quenajaro”, ya yʰ.

²³ Gayo cʰni, “Quenajaro”, yami mʰare. Ñ rãca ñ ya wijʰ ña yʰ. Ado ñ ya wijʰ Jesure masirã minijuasotiamama ña. Ña cʰni, “Quenajaro”, yama mʰare. Ito yicõri Erasto, adi cʰto gagʰ niyeru seori masʰ, “Quenajaro”, yami mʰare. Ito yicõri mani rãca gagʰ Cristore masigũ Cuarto wame cʰtigʰ “Quenajaro”, yami mʰare.

²⁴ Mani ʘjɐ Jesucristo, mɐa ñarocõ jeyarore queno mɐa ñaroca yijaro. Ito bajiro riti bajitiñajaro.

Diore rãcɐbɐorɐja manire, Pablo ãyisɐsare gaye

²⁵ Diore rãcɐbɐorã ñari, “Queno yigɐ ñami ã. Rẽtoro masigũ ñami ã”, Diore yi rãcɐbɐorɐja mani. ã ocare queno mɐa tɐorãñɐja, mɐa tɐoĩa oca sẽoroca yi masigũji Dios. Iti oca ña, Cristo masare ã masore gaye, yɐ riasorise. Cajerojɐti jane mejejɐ masare riasore meje ñayija iti. ²⁶ Ito bajibojarocati adocãta masirãji masa itire, Dios oca gotiri masa itire ñna ucajare. Masa jeyaro iti oca tɐorãñɐcõri ñna cãditi, Dios catitiñagũ, iti oca riasore gaye cõañi.

²⁷ Jesucristore tɐorãñɐrã ñari, “Bɐto masigũ ñami Dios. ã sãgũti ñami jeyaro masigũ”, yi rãcɐbɐotĩñarɐja manire. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
